

# *ILAY JIRO MENA MIPIAPIAKAN'NY*

## *FAMANTARANA NY FIHAVIANY*

 Misaotra anao, Rahalahy Neville. Ndao isika hijanona hitsangana fotoana fohy fotsiny ho an'ny vavaka, hanondrika ny lohantsika isika. Rainay An-danitra, ho Anao no hanomezanay ny dera noho izay rehetra efa hitan'ny masonay sy efa ren'ny sofinay. Ary misaotra Anao izahay, Tompo, satria amin'izao andro izao no ahafantarany fa Ianao no ilay Jehovah Andriamanitra lehibe tsy miova izay efa nisy foana ary hisy mandrakariva Ianao.

<sup>2</sup> Misaotra Anao izahay noho ny amin'i Jesosy Kristy Izay nanao an'izao ho azo atao mba hahafahanay hiverina ao amin'ny fiombonana Masina miaraka Aminao indray, tamin'ny alàlan'ny fandatsahana ny Ràny tsy manan-tsiny, ka tamin'ny alàlan'ny—ny famelàn'izany Rà izany dia zanakalahy sy zanakavavin'Andriamanitra izahay. Tsy mbola miseho izay haha-izy anay amin'ny farany, saingy fantatray kosa fa hitovy Aminy izahay, satria hahita Azy araka ny maha-izy Azy izahay. Ary, Ray, tena ampy ho anay izany, raha mbola mitovy Aminy foana izahay, mijoro amin'ny bikan'ny Endrin.

<sup>3</sup> Ary ankehitriny, Ray, tsy tianay amin'ity ora ity ny hitovy amin'ireo zavatr'izao tontolo izao, fa ny hovaina amin'ny alàlan'ny fanavaozana ny fanahinay, amin'ny alàlan'ny Fanahy Masina, mba Hahatongavany ka hitondra ny fiainanay ho amin'ny Fiahiany Manokana, ary mba—mba hitarika anay sy hitari-dalana anay ho an'ireo andro sisà izay anananay eto ambonin'ny tany, ary hanome voninahitra ny Anarany lehibe.

<sup>4</sup> Misaotra Anao izahay ny amin'ireo zavatra rehetra ireo. Ary miaraka amin'ireo fiandrasana dia miandry ny Famangianao anay izahay izao hariva izao raha miangona ankehitriny, ary mino fa hihaona aminay Ianao araka ny Nampanantenainao. Amin'ny Anaran'i Jesosy Kristy. Amena.

Mahazoa toerana.

<sup>5</sup> Mino aho fa i Davida no nanao hoe, “Faly aho raha hoy izy ireo taminay, hoy izy ireo tamiko, ‘Ndao isika ho any an-tranon’ny Tompo.’” Ary tena mankasitraka tokoa isika fa eto izao hariva izao, ka mahatsapa fa tombontsoa iray ny manana an'izao fanararaotra izao mba—mba ho eto, miresaka aminareo olona.

<sup>6</sup> Manao horonam-peo vitsivitsy aho. Noho izany dia mijery ao ambadiky ny efitra fotsiny aho mba hahita raha efa manao ny horonam-peo ireo rahalahy. Izany dia—izany dia

mandeha ankehitriny, mandeha ireo horonam-peo. Eny àry. Ny tanjon'izao, dia, efa nampanantena aho ny famoahana an'ireo Hafatra, dia ho avy, ho raisim-peo eto amin'ny tabernakla. Ankehitriny isika dia . . .

<sup>7</sup> Tiako ny hilaza zavatra iray mikasika ny aninkeo maraina. Androany, taorian'ny mitataovovanana mihitsy, raha ny marina, rehefa namarana ny favoriana maraina isika, dia nisy zavatra niseho ka ny sasany taminareo angamba dia tsy teto ary tsy nandre ny amin'izany. Namarana ny fotoana aho, ary nireshaka avy teto amin'ity lampihazo ity, njery rahalahy iray nijoro teto nifandray tànana tamin'ny olona, amin'ny anarana hoe Rahalahy Way, izany no iantsoanay azy eto. Ny vadiny dia mpampivelona tsara iray ara-panjakana.

<sup>8</sup> Ary Rahalahy Way dia anankiray amin'ireo mpanompon'Andriamanitra, ary izy koa dia manana asa any amin'ny asan'izao tontolo izao, saingy manana antso iray ao amin'ny fony, nandrity ny taona maro, ho an'ny sahan'ny asam-pitoriana. Nahatsapa ho voatarika izy hoe Andriamanitra dia hitondra azy eto sy hiandry ny toerany eto mandra-pahazoany baiko bebe kokoa mba handrosoana any amin'ilay saha. Andro vitsy lasa izay, nireshaka taminy aho, ary nanana fihaonana kely iray niaraka taminy sy ny vadiny.

<sup>9</sup> Ary aninkeo maraina, rehefa nanao ny fiaikeko tamin'ny fananana henatra aho, dia nanondro an-dRahalahy Way ihany koa hoe nanana henatra iray, izay ara-dalàna tokoa eo anivon'ny olona rehetra, ary tamin'ny—ny fotoana taorian'izany, dia novelesin'ny aretim-po iray i Rahalahy Way ary lavo maty teo amin'ny gorodona. Ary hitako ny vadiny, ary voamariko . . . Efa niaraka tamin'ny olona maty maro aho, ary izaho—izaho dia tokony tsy—tsy hilaza an'izao.

<sup>10</sup> Tiako ny mandoka an'i Jesosy Kristy sy ny Heriny. Fa amin'izao fotoana izao dia neveriko fa tsy tokony hiezaka mihitsy isika ny handoka Azy amin'ny fomba rehetra ho an'ny zavatra iray izay tsy Izy—Izy—Izy no nanao azy. Fa efa nahita an'i Jesosy Kristy nanangana ny maty aho, imbetsaka, tsy azo lavina, ireo fizahan'ny dokotera manaporofo.

Ohatra, tany Connecticut vao haingana mihitsy, tao amin'ny favoriana iray, tao amin'ny malalaka iray, ilay tranaindy . . . karazana toera-malalaka malaza iray, dia tany ny Dokotera Barton, dokotera Kristiana iray teo amin'ny lampihazo niaraka tamiko, dokotera mpitsabo iray. Ary nisy vehivavy Kristiana fantatra tsara iray, maha-te-ho tia iray, vehivavy manan-karena iray izy. Nipetraka somary teo amin'ny ankaviako izy. Ary niantso laharam-bavaka aho, ary voamariko ilay vehivavy fa tampotampoka teo . . .

<sup>11</sup> Rehefa ny olona, mijanona ny fony . . . Afaka manakimpy ny masonareo ianareo, fa rehefa voadona mafy ianareo,

rehefa mijanona ny fonareo, dia tena mivadika tanteraka ny voamasonareo, ary mivoaka ilay ampa hany fotsy an'ny masonareo. Ary voamariko izany rehefa nitambotsotra izy. Ary niantso haingana an'ilay dokotera mpitsabo izy ireo, ary nihazakazaka teo aminy izy mba haka ny fitempon'ny fony, ary nanozongozona ny lohany, nametraka ny tànany teo aminy, ny sofiny teo amin'ny fony. Ary lasa izy. Nitambotsotra teo amin'ny gorodona izy, ary nikiakiaka ny zananivavy, ka nampiato an'ilay favoriana. Nanohy ihany aho, satria tsy nahazo teny avy tamin'ny Tompo ho an'ilay vehivavy aho. Dia nanohy ihany aho.

<sup>12</sup> Nilaza zavatra iray izy ireo mikasika ny hiantsoana andRahalahy Branham. Ary hoy izy ireo hoe, "Tsy te-hiantso azy ao anatin'ny laharam-bavaka izahay, satria eo ambanin'ny famantarana izy." Dia hoy izy ireo hoe, "Alaivo ilay Branham kely," i Billy izany. Ary i Billy, satria vehivavy iray maty ilay izy, izy dia tsy te-hanao... .

<sup>13</sup> Fantatrareo, ny olona dia tratry ny fiahiahiana eo amin'ny olona iray efa maty. Fa, izany dia—izany dia fonon-javatra iray fotsiny. Tsy misy na inona na inona ao. Fa, ny olona dia mieritreritra hafa. Fa, efa tsy ao ilay olona, izy tenany; nifindra izy ireo. Ary noho izany dia natahotra izy ny—ny handeha teo amin'ilay vehivavy, satria efa maty izy.

<sup>14</sup> Ary tamin'izay fotoana izay avy hatrany dia niteny tamiko ny Fanahy Masina. Niala teo amin'ilay toerana aho, nidina teo amin'ilay tohatra, tonga teo amin'izay nisy azy. Ary vantanay vao tonga teo amin'izay nisy azy aho, dia niteny tamiko ny Fanahy Masina; dia hoy aho hoe, "Mary!"

<sup>15</sup> Hoy izy hoe, "Eny, Ranadahy Branham." Velona izy. Ary—ary tsy mbola nahita anay mihitsy izy tany aloha. Ary izany no favoriana voalohany.

<sup>16</sup> Avy eo tany Shawano vao haingana mihitsy, oh, hataoko hoe, fara-fahakeliny, teo amin'ny, efa-taona lasa izay, na dimy, dia niresaka aho indray hariva teo amin'ny tobin'ny fitaovam-piadiana. Ary nisy olona marobe teo. Ary lehilahy iray azontaona teo amin'ny valopolo taona teo, heveriko, sy ny vadiny maha-te-ho tia, Loterana izy ireo ara-pinoana, no nandeha ho any amin'ilay fiangonana Loterana lehibe malaza tany. Adinoko ny anaran'ilay izy ankehitriny. Izany no fiangonana Loterana lehibe indrindra eto Amerika, amin'ny favoriana tokana, an'ireo mpikamban'ny fiangonana. Ary izany no toerana lehibe ho an'ny Loterana. Ary raha mbola niresaka aho, dia voamariko ilay lehilahy, ny lohany nankany aoriana tahaka an'izao; ary ny tànany nivoaka, ka nianjera nankany aloha izy, maty tao amin'ilay seza. Ary nanomboka nikiakiaka ny vadiny, ary nikiakiaka mafy izy hoe, "Vonjeo aho rey olona! Vonjeo aho rey olona!"

<sup>17</sup> Dia njery aho. Hoy aho hoe, “Ny olona rehetra mipetraha tsara fotsiny, milamina.” Hitanareo? Niandry ny Tompo aho hanome ahy teny iray. Ary—ary izaho... Satana... Efa niomana mihitsy ny hanao antso eny amin’ny alitara aho, ary izany mihitsy no tiany hanehoana ny tenany.

<sup>18</sup> Noho izany dia efa mba voamarikareo ve fa rehefa manomboka manao antso iray ho eny amin’ny alitara ianareo, na dia ireo zaza kely aza dia manomboka mikiakiaka, sy ny sisa tahaka an’izany? Satana izany. Ianareo izay ara-panahy dia mahazo an’izany.

<sup>19</sup> Noho izany dia nomen’ny Tompo ahy ny anarany, ary nantsoiko izy, ary niverina tamin’ny fiainana izy tahaka an’izao.

<sup>20</sup> Ary aninkeo maraina rehefa nitodika aho, hitanareo, ary izaho dia efa nahita, imbetsaka, ny Tompo Jesosy namerina ny maty. Ilay zaza kely tany Mexico dia maty tamin’ny sivy ora tamin’io maraina io, ary ity dia teo anelanelan’ny amin’ny folo sy iraika ambin’ny folo tamin’io hariva io no niverina tamin’ny fiainana izy. Ary—ary izany dia fanambarana iray mazava tsara niaraka tamin’ny vavolombelon’ny dokotera ny amin’izany, hitanareo, hoe maty tao amin’ny biraony ilay zazakely tamin’ny sivy ora maraina. Heveriko fa aretin’avokavoka ilay izy. Ary velona ilay zaza amin’izao andro izao, raha ny fahafantarako azy. Ary izany dia teo anatrehan’ny, oh, oadray, telopolo, olona efatra alina.

<sup>21</sup> Ary noho izany aninkeo maraina dia hitako ny Rahalahintsika Way, raha nipetraka izy, nipetraka teo mihitsy izy ankehitriny. Saingy raha nipetraka naharitra izy *teto* tany ho any, dia nitsangana izy. Ary isika dia nihira, hoe, “Voninahitra, voninahitra, haleloia,” ary nifandray tānana. Voamariko izy rehefa nandona azy ilay izy, ary ny lohany nankany aoriana. Izy, Rahalahy Way, dia tsy tratran’ny zavatra tahaka an’izany toy ny hoe torana na lasa tahaka an’izany. Ary, izy, hitako izy lavo nankany aoriana. Ary hitako ny vadiny, izay mpampivelona arapanjakana, nanamarina ny fitempon’ny fony. Ary nikiakiaka izy; lasa ilay izy.

<sup>22</sup> Ary—ary tamin’izay fotoana izay dia mino aho fa Ranabavy Nash ilay izy, ramatoa iray eto, anabavy maity hoditra iray izay tonga eto amin’ny fiangonana, ny sasany tamin’izy ireo dia nandroso nihazakazaka. Ary ankehitriny izy, Rto. Way, dia nanohy ny hahazo ahy hiala avy teo amin’ny lampihazo. Dia hoy aho hoe, “Ny olona rehetra aoka hilamina tsara, mijanona eny amin’ny sezanareo.” Aza taitaitra mihitsy amin’ireny karazam-potoana ireny. Hitanareo? Izany no tian’i Satana hataeo. Miandrasa fotsiny dia jereo izay Lazainy. Raha olona handeha ho any amin’ny Voninahitra izany, eny, tsy maintsy handeha isika indray andro, tsy misy toerana tsara kokoa noho ny ao

am-pianganana, koa—ko amin’izay fotoana izay dia tena ao antranon’ny Tompo mihitsy. Noho izany . . .

Fa tafaverina ilay lehilahy. Nihevitra aho fa angamba nisy zavatra nahazo, torana izy na nisy zavatra nitranga taminy, tao amin’io fihetsehana io. Fa rehefa njery aho, dia nihodina tahaka an’izao ny lohany, ary hitako ilay tao anatiny, ny ampanhan’ny masonry, dia nivoaka. Tsy afaka manakatona ianareo, tsy afaka mametraka ny masonareo ao amin’izany toerana izany ianareo; ilay fo izay mijanona no manao an’izany. Ary nidina niala *teto* aho, ary izy . . . Nisy olona iray, olona tsara fanahy iray, izay nametraka ny . . . zavatra iray handrian’ny lohany. Ary teo ny tongony, tànany, sy ny sisa, henjana. Nijanona ilay izy. Ny endriny dia mainty tahaka ny palitaoko, mainty mena, ary nivadika ny masonry. Ary fantattro ny aretim-po. Fantattro izay hataony sy hoe ahoana no fivadiany; ny olona hafa izay efa mba nahita an’izany. Noho izany dia napetrako teo amin’ny fitempon’ny fony ny tànako, ary tsy nisy fitempon’ny fo intsony manoatra noho ny eto amin’ity latabatra ity. [Nikapoka ny polipitra hazo Rahalahy Branham—Mpand.] Tsy nisy na inona na inona. Io ny vadiny, mpampivelona ara-panjakana iray, izay nanamarina ny fitempon’ny fony. Tsy nisy fitempon’ny fo teo.

<sup>23</sup> Avy eo, indray andro rehefa niaraka tamin-dRahalahy Way aho teo amin’ny famantara iray teto, dia hitako fa banana fo iray mimonomonona izy, na ahoana na ahoana. Noho izany dia nieritreritra aho hoe, “Izany ilay izy.” Noho izany dia nametraka ny tànako teo aminy aho. Hoy aho hoe, “Andriamanitra malala, izaho dia miantso, amin’ny Anaran’i Jesosy Kristy, ny fanahin’ny rahalahiko, ny ainy hiverina indray.” Ary Jehovah Tompo no mahafantatra, ary ity anoloako ity ny Baibolini, ilay izy dia toy ny hoe, rehefa nametraka ny tànako teo amin’ny fitempon’ny fony aho . . . Ary satria fantattro fa hamaly ny amin’izany aho amin’ny Andron’ny Fitsarana raha diso izany. Ary ilay izy dia toy ny hoe nidoboka in-efatra na in-dimy ny fitempon’ny fony, haingana, nanao hoe, pom, pom, pom, pom; ary avy eo dia nanomboka, nanao hoe, pom, pom, pom, pom.

<sup>24</sup> Dia niezaka nanokatra ny vavany izy mba hilaza zavatra tamiko. Ary niezaka nanokatra ny vavany, sy niboredidredika, karazany, mba hiezahana hiteny an’ilay izy. Ary namoaka teny izy hoe, “Rahalahy Branham.” Avy eo dia toy ny hoe te-hiverina hatory izy na tahaka an’izany, dia niandry fotoana fohy indray aho, nanamarina ny fitempon’ny fony indray; nitempo ara-dalàna ilay izy. Ary avy eo dia njery indray aho, ka njery ahy izy. Ary izy dia somary, hitako, tsy tompon’ny tenany; tsy fantany hoe taiza izy, saingy ny fony dia nitempo ara-dalàna. Ary niantso ny ainy hiverina aminy indray Andriamanitra.

<sup>25</sup> Koa izaho—izaho dia milaza an’izany ho voninahitr’i Jesosy Kristy, Izay Izany no Andriamanitra tsy miova, hoe rehefa . . . Anikeo maraina dia nitory teny lava aho, nihoatra ny orako, ary

vizaka sy reraka. Ary mety nisy zavatra anankiroa teo. Na izy no reraka, na rehefa niteny aho ny amin'ny nananana henatra iray, tsy hoe fotsiny mba—mba hanakorontana an'ilay rahalahiko, araka ny hilazantsika azy, satria aho nanana... Efa nanao ny fiaikeko aho tamin'ny fananana henatra. Ary ataoko fa raha hanontany aho izao hariva izao, ato amin'ity fanatrehan'ny olona ity hoe, "Firy ato no mahafantatra fa manana henatra ianareo?" dia saiky ny tànana rehetra no hitsangana. Mba hahafantaranao, Rahalahy Way, dia mamelà ahy fotsiny haneho aminao raha famantarana ilay izy na tsia. Firy no mahafantatra fa manana henatra iray ianareo, atsangano ny tànanareo. Jereo eo! Hitanao? Saingy izaho—izaho dia tsy mahafantatra raha nandona ny filazako an'izany tamin-dRahalahy Way, nandray an'izany toy ny hoe mety niteny mafy azy aho na tahaka an'izany, tamin'izay fotoana izay, ka lavo teo amin'io toerana io izy, ary ny Tompo Jesosy no namerina azy indray.

<sup>26</sup> Ankehitriny izaho—izaho dia...mihevitra fa ilay Andriamanitra iray ihany izay nasehon'ny Masindahy Paoly malaza tamin'ny androny, ary rehefa nitory teny lava izy indray hariva, dia lavo ny lehilahy iray ka niala taminy ny ainy; ary i Paoly, nandeha teo amin'ilay lehilahy, noho ny fahasoavan'Andriamanitra, dia niteny tamin'ny mpanatrika hoe, "Ao aminy ny ainy." Izaho—izaho dia mihevitra fa izany no manaporofa amintsika, na raha mbola tsy nahita an'izany mihitsy ianareo tany aloha, fa Jesosy Kristy no tsy miova omaly, anio, ary mandrakizay.

<sup>27</sup> Ary noho izany dia mety ho ity izany, fa niezaka aho ny nieritreritra an'izany tamin'ny tolak'andro. Hoe, nijoro teto aho, ary tamin'ny foko rehetra no nilazako taminareo marina tokoa ny Fahamarinana, ary milaza aminareo ny amin'ny henatro, ka manao ny fiaikeko miharihary, satria... ary mangataka aminareo hivavaka mba hiova ilay vatako ato anatiko manoloana ny olona, mba hahafahako manao tahaka ny nataon'ny Tompo. Ary mba hanamarinana fa mbola haniraka ahy foana eny amin'ny saha Izy, dia namela an'izany hitranga Izy mba haneho fa mbola manasitrana ny marary foana Izy, ah-hah, hitanareo, manangana ny maty. Ary heveriko fa izany dia tsy inona fa fanamarinana iray ny amin'izay efa notoriako, sy efa nijoroako vavolombelona ny amin'ny Fanjakon'Andriamanitra. Ary izany dia zavatra iray nifanaraka tamin'izay vao avy Nolazainy tamin-dRahalahy Roberson teo, sy ny anankiray hafa tamin'ireo rahalahy. Ankehitriny tiantsika Izy ny amin'izany.

<sup>28</sup> Ary mankasitraka isika izao hariva izao fa miaraka amintsika Rahalahy Way izao hariva izao. Ary azo antoka fa Andriamanitra dia tsy mbola namarana tamin'ny rahalahintsika, fa raha tsy izany dia efa lasa izy aninkeo maraina. Mbola misy zavatra tokony hataon-dRahalahy Way. Ary tiako ho fantatrao, Rahalahy Way, fa ity fiangonana

manontolo ity, miaraka amin'ny tenako, dia hivavaka mba hanehoan'Andriamanitra aminao ny Drafiny ho an'ny fiainanao sy ny an'ny vadinao; ary, vantany vao tanteraka izany, dia hametraka anareo ao anatin'izany. Azoko antoka fa Hataony izany, Rahalahy Way. Ary isika rehetra, amin'ny maha-Kristiana, dia hankasitraka an-dRahalahy Way. Marina ve izany, ry fiangonana? [Hoy ny fiangonana hoe, "Amena."—Mpand.] Ary hivavaka aho mba izy sy Ranabavy Way anie hahita ny toeran'izy ireo ao amin'ny Tompo, ho an'ny asan'izy ireo eo amin'ny fiainana.

<sup>29</sup> Ankehitriny, koa, dia naniry ny hiresaka tamin-dRahalahy Way aho. Tonga aloha aho mba nahafahako niresaka taminy sy hahita fotsiny hoe ahoana no fihetsiny, na inona no nitranga. Ary tsy mahafantatra izy. Hitanareo, nivoaka fotsiny ilay izy, ary nianjera fotsiny izy dia lasa. Izany ihany.

Naniry i Rahalahy Way ary niandry raha misy olona ato amin'ny tranobe izay handeha ho any Arkansas, ny Talata na rahoviana no handehananareo, ho—ho any amin'io favoriana io. Ankehitriny, izany dia—izany angamba dia ho favoriana iray tena kely. Izany dia ireo mpirahalahy no mihaona. Ary heveriko fa izany dia any amin'ny karazana aty ala iray, na zavatra hafa iray, any ambony any. Ary angamba tsy hisy olona betsaka any, izaho—izaho dia mihevitra, ao amin'ilay favoriana, satria, am-pahatsorana, tsy fantatr'izy ireo akory aza fa ho avy aho, tsy mbola. Hitanareo? Ary noho izany ireo sakaizako any, hisy hariva iray na roa angamba alohan'ny hahafantaran'izy ireo, na dia ireo sakaizako any Arkansas aza, izay mahafantatra ahy any, dia ho ao amin'ilay favoriana. Saingy raha misy olona handeha, ka hisy toerana hahafahan'ny olona iray handeha hiaraka amin'izy ireo, dia ho faly i Rahalahy Way hanao an'izany. Nilaza izy mba hanaovana an'ilay filazana fa tsy ho entamavesatra ho an'ny olona izy, hiahiana azy rehefa any izy, satria afaka manao an'izany izy. Fa izy, raha misy olona handeha, dia izany no ho famantarana ho azy fa Andriamanitra dia ho tia azy mba, na ho amin'ny—ao amin'ny sitrapon'Andriamanitra ny handehanany any. Noho izany ianareo rehetra dia mahafantatra an-dRahalahy Way, izay mipetraka eto ery amin'ny zorony. Ary raha misy olona te-handeha, izay handeha any, ka manana toerana ho an'ny mpandeha iray amboniny, dia ho faly izy hanao an'izany.

<sup>30</sup> Ary avy eo amin'ny Alahady heriny hariva, raha sitraky ny Tompo, izaho dia—izaho dia hiverina, na ny Alahady heriny maraina, raha ny marina. Ary raha—ary raha manana ny sekoly Alahady Rahalahy Neville, ka rehefa mifarana izany, dia te-hanao horonam-peo iray hafa aho raha vitako. Ary raha tsy diso aho, dia heveriko fa hiresaka aho eo amin'ny *Ny Fiananareo Ve... Mendrika Ny Filazantsara Ve Ny Fiainanareo?* Izany, izany hoe, na, *Ny vadiNareo ve... Ny Fiainanareo Ve*

*Mendrika Ny Filazantsara?* Izany no tiako ho lazaina. *Mendrika Ny Filazantsara Ve Ny Fiainanareo?* Ary te-hanao horonam-peo iray aho eo amin'izany, raha sitraky ny Tompo.

<sup>31</sup> Ary ankehitriny, izao hariva izao, efa nilaza aho androany fa hanao an'ilay horonam-peo. Ary ny pasitera, tsy nihevitra akory aza aho fa nitory teny; niantso ahy fotsiny izy, ary noho izany mba hiteny eto amin'ny lampihazo. Ankehitriny, noho izany dia tsy fantattro... Ankehitriny, raha manao an'ireo horonam-peo izy ireo, raha somary vizaka ianareo na tahaka an'izany, maniry ny hivoaka, dia milamîna arak'izay azo atao fotsiny, satria isika dia tsy... Hitanareo, ireto—ireto fanamasifisam-peo ireto dia tena, tena mora mahazo, ary mandray ny tabataba kely iray izy ireo. Ary isika dia hanao, hiezaka ny hanao an'ireo horonam-peo ireto ho an'ny asam-panompoana iraisam-pirenena.

<sup>32</sup> Ary izao hariva izao dia maniry aho ny hilaza ny lohahevitra raha ny... rehefa izaho—izaho avy mamaky ny Tenin'Andriamanitra, izay hita ao amin'ny Filazantsaran'i Masindahy Matio, ny toko faha-24. Ao amin'ny Filazantsara araka ny Masindahy Matio, ny toko faha-24, ary ndao isika hanomboka ankehitriny amin'ny andininy faha-32 ka hamaky ny Soratra.

*Ankehitriny dia mianara ny fanoharana ny amin'ny aviavy; Rehefa ny rantsany no—no manaroka, ka mamoaka ravina, ianareo dia mahafantatra fa akaiky ny fahavaratra:*

*Dia tahaka an'izany koa, rehefa hitanareo ireo zavatra ireo, dia fantaro fa efa akaiky izany, efa eo ambaravarana mihitsy aza.*

*Lazaiko aminareo marina tokoa, Ity taranaka ity dia tsy ho levona, mandra-pahatongan'ireo zavatra ireo ho tanteraka.*

*Ny lanitra sy ny tany ho levona, fa ny teniko tsy mba ho levona.*

*Fa ny amin'ny andro sy ny amin'ny ora dia tsy misy olona mahafantatra, tsia, na dia ireo anjelin'ny lanitra aza, afa-tsy ny Ray irery ihany.*

*Fa tahaka ny tamir'ny andron'i Noa, dia ho toy izany koa ny fihavian'ny Zanak'olona.*

<sup>33</sup> Ankehitriny ao amin'ny famakantsika, dia hitantsika izao hariva izao, raha mamaky isika, fa ny ampahany voalohany amin'ity toko ity dia mamaky fa ireo mpianatra dia niantso Azy nitokana teo amin'ilay havoana, tendrombohitra, ka nanao Taminy hoe, "Inona no ho famantarana ny fahataperan'izao tontolo izao? Inona no ho famantarana ny Fihaviana? Ary rahoviana no ho tonga ny fotoana izay tsy hisian'ny vato iray ho tavela eo ambonin'ilay hafa, eo amin'ny tempoly?"

Ankehitriny dia manomboka mamaly Izy. Jereo eto amin'ilay andininy faha-1.

*...Lasa Jesosy, ka niala teo amin'ny tempoly: ary ny mpianany nanatona azy...mba haneho aminy ny fanorenana, an'ilay tempoly.*

*Ary hoy Jesosy tamin'izy ireo, Tsy hitanareo ve ireo zavatra rehetra ireo? Lazaitko aminareo marina tokoa, Tsy hisy vato iray tavela eo ambonin'ny iray hafa, ka tsy ho ravana.*

*Ary ny mpianany... Ary raha nipetraka teo amin'ny tendrombohitra izy...(mamelà ahy)...raha nipetraka teo an-tendrombohitra Oliva izy, dia nanatona azy mangingina ny mpianatra, nanao hoe, Lazao aminay, rahoviana ireo zavatra ireo no hisy? ary inona no ho famantarana ny fihavianao, sy ny fahataperan'izao tontolo izao?*

<sup>34</sup> Hitanareo, nametraka fanontaniana telo izy ireo, ary mamaly fanontaniana telo Izy. “Rahoviana no ho tonga ny fotoana izay tsy hisian’ny vato iray tavela eo ambonin’ny iray hafa? Inona no ho famantarana ny Fihavianao? Ary ahoana ny amin’ny fahataperan’izao tontolo izao?” Ary maro, mino aho, fa isika rahalahy dia manao fahadisoana amin’ny fiezahana hampihatra an’io rehetra io amin’ny Fihaviany. Saingy mamaly fanontaniana telo samihafa Izy izay nanontaniana Azy. “Nahoana no hisy ny fotoana izay tsy hisian’ny anankiray amin’ireo vato ireo ho tavela eo ambonin’ny iray hafa; rahoviana no hisy io zavatra io? Ary inona no ho famantarana ny Fihavianao? Ary inona no hisy amin’ny fahataperan’izao tontolo izao?” Hitanareo, fanontaniana telo samihafa. Ary nanomboka namaly ny anankiray Izy, mikasika ny hoe rahoviana “ireo vato no tsy hisy anankiray ho tavela eo ambonin’ny iray hafa.” Ary avy eo rehefa Vitany izany fanontaniana izany, dia nanomboka Izy, “ny famantarana ny Fihaviany.” Ary avy eo dia niditra tamin’ny, “ny fahataperan’izao tontolo izao.”

<sup>35</sup> Ankehitriny dia mahamarika isika eto ny anankiray amin’ireo zavatra izay iriako ho resahaha izao hariva izao, dia *Ilay—Ilay Jiro Mena Mipiapiakan’ny Famantarana Ny Fihaviany*. Ary hipetraka eo amin’ny andron’i Noa isika izao hariva izao, “Ho toy izany koa amin’ny fihavian’ny Zanak’olona.” Ary ankehitriny dia io no nandona ahy indray andro, ka nieritreritra aho fa angamba hanandrana ny hanao horonam-peo an’izany aho ka hiresaka eo amin’izany. Ary nandray naoty Soratra maro aho eto izay tiako hanondroana, angamba, sy—sy hamaky, kelikely.

<sup>36</sup> Fa ankehitriny Jesosy Tompontsika dia nametrahana an’io fanontaniana io, ary Nomeny azy ireo ny famantarana ny Fihaviany. Ary taorian’izany avy hatrany dia nilaza an’izao Izy,

“Ny lanitra sy ny tany ho levona, fa ny Teniko tsy mba ho levona.” Ary avy eo dia hoy Izy hoe, “Mianara ny fanoharana ny amin’ny aviavy. Rehefa manaroka ny rantsany izy, dia fantatrareo fa efa akaiky ny fahavaratra. Koa rehefa hitanareo fa miseho ireo zavatra ireo, na tonga voaseho, dia fantaro fa antomotra ilay fotoana. Ary tsy ho lany ity taranaka ity mandra-pisehon’ireo zavatra rehetra ireo.” Taranaka iza? Ny taranaka izay mahita an’ilay fihemorana izay ho resahantsika izao hariva izao.

<sup>37</sup> Noho izany rehefa mieritreritra ny lohateniko isika, hoe jiro mena mipiapiaka iray an’ny Fihaviany, izany dia mampahatsiahy ahy niandry teo amin’ny fiantsonan’ny fiaran-dalamby iray, hoe rehefa mijoro eo ny lehilahy iray na ireo olona, tahaka ny ataon’ny maro amintsika, rehefa miandry mba handray fiaran-dalamby isika. Ary tsy afaka mandre an’ilay fiaran-dalamby isika, na tsy mahita azy ianareo, saingy fantatrareo fa izany no—izany no fotoana. Angamba milaza ilay mpitondra teny hoe, “Izy dia—dia tara kely. Tsy ara-potoana tanteraka izy, fa tsy tena fantatray hoe rahoviana, saingy ho avy tsy ho ela izy.” Ary hitsangatsangana eo amin’ilay fiantsonana isika, miaraka amin’ny tānantsika ao anatin’ny paosintsika, sy mipetraka eo ambonin’ireo valizintsika, ary mivoaka ka mandeha mividy fonosam-boanjo iray, ary miresaka amin’ny... olona iray eny am-pitan’ny lālambe. Fa tampotampoka eo dia mahita zavatra mitranga isika. Misy feo iray miseho eo amin’ilay lalamby. Ary rehefa nanao isika, midina ilay fefy, ary manomboka mipiapiaka ilay jiro mena. Inona izany? Ao amin’ny gara ilay fiaran-dalamby. Na dia tsy afaka mandre azy aza ianareo, na dia tsy afaka mahita azy aza ianareo, kanefa io jiro mena mipiapiaka sy io fefy midina io no maneho fa tonga izy. Ary amin’izay fotoana izay raha manantena ny handeha ao amin’io fiaran-dalamby io ianareo, dia tsaratsoa kokoa ho anareo ny manary an’ilay fonosam-boanjo, manajanona ny resakareo, maka ny valizinareo, ary mivonona fa raha tsy izany dia ho tavela any aoriana ianareo, satria hijanona eo an-toerana mandritry ny fotoana vitsy fotsiny izy. Ho lasa izy. Raha mbola mijoro mitafasiry foana ianareo, amin’ny mpiara-monina eny ampitan’ilay lālambe, dia ho tavela any aoriana ianareo.

<sup>38</sup> Tsy mihoatra noho izany ve ilay izy, amin’izay fotoana izay, rehefa mahita fampahafantarana mipiapiaka iray isika hoe ao amin’ny gara Izy! Handalo ilay fiaran-dalambin’ny Filazantsara tranainy, tena tsy ho ela. Ary raha mianatra isika izao hariva izao eo amin’ity lohateny lehibe ity, fampahafantarana mipiapiaka, rehefa nipetraka teo amin’ilay tendrombohitra ny Tompontsika ka nilaza tamin’izy ireo fa ireo zavatra ireo no hiseho, “Tahaka ny tamin’ny andron’i Noa, dia ho toy izany koa amin’ny fihavian’ny Zanak’olona.”

<sup>39</sup> Ankehitriny dia te-hiverina isika, ho an’ny tantara kely iray, ka hahita raha afaka mahita zavatra iray isika amin’izao

andro izao izay mitovy amin'ny andron'i Noa. Ary amin'izay fotoana izay dia afaka miteny isika avy eo raha ao amin'io andro izay resahan'ny Tompontsika io isika, hijery raha afaka hahita fitoviana amin'ny andron'i Noa mihitsy isika. Mba hanaovana an'izany, dia neveriko fa tokony hiverina ao amin'ny Bokin'ny Genesisy isika, ao amin'ny andron'i Noa. Ary raha hamadika miaraka amiko ianareo, raha sitrakareo, ao amin'ny Soratra, hiverina ao amin'ny Genesisy ny toko faha-6, ary izany no andron'ny safo-drano, ary ireo fitondran-tena sy ireo toetra an'izany andro izany, Genesisy ny toko faha-6. Ankehitriny, tantsika ny hamaky, hijery ary hampitaha an'izany andro izany amin'izao andro izao. Mariho.

*Ary izao no niseho, rehefa ny olona no nanomboka nitombo teo ambonin'ny tany, . . .*

<sup>40</sup> Ilay tena teny voalohany dia mampiseho amintsika miaraka amin'ny jiro mipiapiaka tanteraka fa antomotra ny andro, satria tsy mbola nisy mihitsy fotoana iray tao amin'ny tantara rehetra izay mba nisy olona marobe, ka nitombo haingana, tahaka ny ananantsika amin'izao andro izao, hany ka sarotra ny mahita toerana iray hipetrahana. Ary olona betsaka no mitombo eto ambonin'ny tany, hany ka ny siansa no milaza, hoe, "Raha mitohy mitombo izany tahaka ny naха-изы азы, ao anatin'ny roapolo taona dia tsy hisy sakafo intsony akory aza eto an-tany ho an'ny olona." *Reader's Digest*, mino aho fa izay ilay izy, no niteny an'izany, hoe, "Tsy hisy sakafo intsony akory aza ho an'ny olona, mitombo haingana be izy ireo."

<sup>41</sup> Afaka mijery manodidina isika ka mahita fa ireo toerana izay an-efitra fahiny dia lasa nivadika ho tanàna, kanefa ny fifehezana ny fiterahana dia eo amin'ny fiakarany lehibeindrindra hatramin'izay nisiany. Mino aho fa izao no voalaza ny amin'i Chicago... Manantena aho fa tsy diso fanonona an'ireto tarehi-marika ireto. Fa zava-miseho voarakitra tokoa, zava-miseho momba ny fanalan-jaza telo alina isaky ny enimpolo andro, ao Chicago. Zava-miseho momba ny fanalan-jaza isaky enimpolo andro, voarakitra! Ahoana ny amin'ireo izay tsy voarakitra mihitsy? Hitanareo, ao amin'ny tanàna lehibe anankiray misy mponina efatra tapitrisa fotsiny! Ahoana ny amin'izao tontolo izao? Kanefa ny mponina dia tena mifanizina hany izy ireo ka tsy afaka akory aza ny hiahy ny . . .

<sup>42</sup> Inde, izy ireo dia miezaka ny ho lasa...ny hanao fampiatoana an'ilay ampahany maha-olona ao amin'ny lehilahy, ary manao azy ireo ho lasa momba, mba tsy hahafahan'ireo zaza ho teraka, satria izy ireo dia—izy ireo dia ao amin'ilay fitomboana be. Fitopolo sy efajato tapitrisa, amin'izao fotoana izao, any Inde.

<sup>43</sup> Ahoana ny amin'i Chine, izay misy ny fitomboana be indrindra, Rosia sy ireo firenena maro eto amin'izao tontolo izao?

“Rehefa nanomboka nitombo ny olona teto ambonin’ny tany.” Hitanareo? Ankehitriny dia any amin’ny fotoana talohan’ny safo-drano isika.

...ka niteraka zanakavavy izy ireo,

*Ary ireo zanakalahin’Andriamanitra dia nahita fa ireo zanakavavin’ny olona dia tsara tarehy; ary izy ireo dia naka vady ho azy... rehetra izaynofidian’izy ireo.*

*Ary hoy ny TOMPO hoe, Ny fanahiko dia tsy mba hanapaka mandrakariva ao amin’ny olona, satria izy dia nofo ihany koa: kanefa ny androny dia ho—ho roapolo amby zato taona.*

*Ary nisy olombe teo amin’ny tany tamin’izany andro izany; ary koa taorian’izany...ireo zanakalahin’Andriamanitra dia tonga...teo amin’ireo zanakavavin’ny olona, ary niteraka zaza taminy izy ireo, ka ireo ihany ilay lasa olona mahery hattrizay ela izay,...manan-daza.*

<sup>44</sup> Oh, toy ny—ny inona ny lohahevitra ananantsika eto! Hitanareo? Ankehitriny, ny anankiray amin’ireo zavatra voalohany izay tiako ho marihinareo, fa ireo—ireo zanakalahin’Andriamanitra dia nahita an’ireo zanakavavin’ny olona, hoe tsara tarehy izy ireo. Ankehitriny aho dia tsy... Atoroko an’izao tontolo rehetra izao izany. Fa tsy mbola nisy mihitsy fotoana iray teto an-tany, raha azoko eritreretina, afatsy tamin’io fotoana io ihany, izay mba nisy tena—tena hatsaran-tarehy mivaingana teo anivon’ireo vehivavy.

<sup>45</sup> Ary afaka mahatsiaro ianareo, ny sasany aminareo vehivavy azon-taona ireo, sy ny sasany aminareo olona, lehilahy, izay afaka mahatsiaro an’ireo taona maro lasa, hoe mahalana no nahitanareo vehivavy tsara tarehy iray. Fa amin’izao andro izao dia tsy mahita afa-tsy ny tsara tarehy ianareo. Izany dia satria izy ireo no tonga eo amin’ny toerana iray an’io fanapahana rehetra ny volon’izy ireo io, sy lokon-tarehy, ary—ary ireo karazana akanjo mampitanjaka sy ny sisa io. Afaka mampiseho ny tenany amin’izany fomba izany izy ireo. Ary avy eo ilay izy, zavatra iray hafa, ilay fanjaitran’ny famantaranandron’ny fotoana no namerina an’izany indray, araka ny Soratra. Ary ireo vehivavy dia mitombo tsy an-kitsahatra lasa tsara tarehy.

<sup>46</sup> Izaho dia afaka mahatsiaro raha mbola zazalahy kely iray aho tany an-tsekoly, ary mitodika ka mijery an’ireo ankizy kely amin’izao andro izao, ireo zazavavy kely izay miha-lehibe. Ary afaka mijery aho, mieritreritra an’ireo vehivavy raha mbola tovolahy iray aho, ary mijery an’ireo zazavavy amin’izao andro izao. Tsaroako fa nisy zazavavy malaza anankiray, tsy mihoatra ny dimy amby roapolo taona lasa izany, zazavavy malaza anankiray, zazavavy tsara tarehy iray, ary tsara tarehy ka saiky ny zazalahy rehetra dia naniry hiaraka amin’io zazavavy io,

satria izy no mpanjakavavin'ilay—ilay vondrona. Angamba tao amin'ny tànana iray manontolo, dia nisy roa na telo tamin'ireo vehivavy ireo. Ankehitriny dia ilay zavatra manontolo no lasa tsara tarehy, izy rehetra. Izany dia mba hahatanteraka ny Soratra, sy jiro mena iray miapiapiaka hoe antomotra ilay fotoana.

<sup>47</sup> Izy ireo dia namorona karazan-javatra toy ny lokomena sy—sy lokon-tarehy, ka ny vehivavy iray izay tsy tena tsara tarehy, dia mbola afaka manao ny tenany ho tsara tarehy foana izy amin'ny alàlan'ireo—ireo milina fanamboarana endrika rehetra sy ireo—ireo zavatra izay ataon'izy ireo mba hanaovany ny tenany ho tsara tarehy.

<sup>48</sup> Miasa andro aman'alina ny Max Factor, ary be ny fandaniana misy eo amin'ny fikojakojana tarehy, eto Amerika, ao anatin'ny taona iray, mba hanaovana an'ireo vehivavy ho tsara tarehy, noho ny fandaniana misy any amin'ny trano fivarotan-tsakafo. Marina izany. Adinoko hoe firy miliara dolara isan-taona no laniana amin'ny fikojakojana tarehy, mba haha-tsara tarehy an'ireo vehivavintsika.

<sup>49</sup> Ankehitriny, tsy milaza na inona na inona manohitra an'izany aho, maneho fotsiny aminareo aho fa izany dia fipiapiakan'ny jiro mena iray hoe antomotra ilay fotoana. Satria Jesosy no nilaza, Izy tenany hoe, "Tahaka ny tamin'ny andron'i Noa, dia ho toy izany koa amin'ny fihavian'ny Zanak'olona." Hitanaereo, ilay zavatra mitovy.

<sup>50</sup> Ary mariho, "Rehefa nanomboka nitombo ny olona, olona betsaka. Tsara tarehy ireo zanakavavin'ny olona; ary ireo zanakalahin'Andriamanitra dia nitsiriritra azy ireo, ary naka azy ireo ho vady." Ankehitriny, tsy teniko manokana izany. Mamaky azy avy ao amin'ny Baiboly aho, rehefa niteny tamintsika Jesosy mba hiverina any amin'ny Genesisy ka hampitaha an'ireo andro ireo miaraka. Ny fitomboan'ny olona, sy ny hatsaran-tarehin'ireo vehivavy, ankehitriny dia izany no famantarana lehibe iray.

<sup>51</sup> Ankehitriny ilay fampitandremana, fampitandreman'i Jehovah, ny andininy faha-3.

*Ary hoy ny TOMPO hoe, . . .*

<sup>52</sup> Taorian'ny nisehoan'io avy hatrany . . . Tsarovy, fa ny Fanahy Masina no nanoratra ny Baiboly, ary Jesosy dia nampitafiana hery niaraka tamin'ny fahafenoan'ny Fanahy Masina. Ary tamin'ny alàlan'ny Fanahy Masina irery ihany no Nitenenany. Fa ireo Soratra dia nosoratan'ny Fanahy Masina. Ary ilay tena Anankiray Izay nanoratra ny Genesisy 6 mihitsy, no niteny tamintsika ao amin'ny Matio 24, mba hahafantatra fa rehefa akaiky ilay fotoana, dia miverina amin'ny Genesisy 6 sy hampitaha an'izany.

<sup>53</sup> Fitomboan'ny olona eto ambonin'ny tany; kanefa ny fifehezana ny fiterahana, sy ireo zavatra rehetra izay mandeha, dia tsy mahasakana an'izany akory aza. Hitovy foana izany, satria eo amin'ny andro farany isika izao.

<sup>54</sup> Ary mariho avy eo, avy hatrany dia tonga ny fotoana iray izay nilazana fa ireo vehivavy dia tena tsara tarehy, tena tsara. Ary manamarina an'izany amin'ity isika dia afaka manaporofa an'izany.

<sup>55</sup> Ankehitriny, njery an'ireo sary fahiny ela be aho rehefa ireo razambentsika, rehefa niampita an'ireo lemaka izy ireo. Ary izaho tsy afaka miantso ny—ny anaran'ilay vehivavy, fa ny anarany dia fantatra manomboka any San Francisco ka hatrany—hatrany Boston, hoe vehivavy tsara tarehy indrindra eto amin'ny firenena. Pearl White, mino aho, no anarany, efa taona maro lasa izay. Novonoin'ny mpifankatia aminy izy, Scott Jackson. Ary raha nahita ny sarin'ilay vehivavy ianareo, hoe ny ramatoa tsara tarehy indrindra eto amin'ny firenena, dia ho zara ianareo raha hijery azy. Mitovy amin'ny ntaolo be iray eto amin'ny lalambe eto izy. Saiky ny vehivavy rehetra izay mety ho hitanareo na aiza na aiza tianareo, dia ho intelo tsara tarehy lavitra noho izy, ny vehivavy rehetra izay ho hitanareo mandeha eny an-dàlambe fotsiny androany. Hitanareo, fitomboana iray izany, hatsaran-tarehy ho an'ireo vehivavy.

<sup>56</sup> Ary avy eo dia manontany aho raha mba fantatr'ireo vehivavintsika izany ka afaka... Izany no antony itiavako hamoahana an'ity horonam-peo ity, mba—mba tsy tokony hametrahanareo... Tianay ianareo ho tsara, saingy tianay ianareo ho ara-boajanahary. Tsy tianay ho namboamboarina ianareo. Ny sasany amin'ireo vehivavy tsara ireo, raha atsobokareo ao anatin'ny barika fandroana iray vetivety izy ireny ka hanasa azy ireny, dia mety ho lasa hafa kely, ary—ary hampiakanjo azy ireny araka ny tokony hiakanjoany. Fa izy ireo—izy ireo—izy ireo dia tsy manao an'izany, ary tsy afaka milaza zavatra hafa amin'izy ireo ianareo. Ary ho tonga eo amin'izany isika afaka kelikely. Fa izany ilay—ilay jiro mena mipiapiaka.

<sup>57</sup> Ary tsarovy, rehefa nanomboka nitombo ny olona teto ambonin'ny tany, ka lasa tsara tarehy ireo vehivavy, dia izany ilay ora, tamin'izany fotoana izany, ilay hoe:

...hoy ny TOMPO hoe, Ny fanahiko dia tsy mba hanapaka mandrakariva ao amin'ny olona,...

Hitanareo ve ilay fangejana? Hitanareo ve ilay tân'an'Andriamanitra? “Ny Fanahiko!” Tsara tarehy ireo zanakavavin'ny olona; ary nalainy ho vady izy ireo. Dia nilaza Izy, noho izany, “Ny Fanahiko dia tsy mba hanapaka mandrakariva ao amin'ny olona. Hametra ny androny Aho.”

Ankehitriny ny andininy faha-4:

*Ary nisy olombe teo amin'ny tany tamin'izany andro izany; ary koa taorian'izany, . . . ireo zanakalahin'Andriamanitra dia tonga . . . teo amin'ireo zanakavavin'ny olona, na—na ireo zanakavavin'ny olona, ary izy ireo dia niteraka zaza tamin'ny—tamin'izy ireo, ka ireo ihany ilay lasa olona mahery hatrizay ela izay, . . . manan-daza.*

<sup>58</sup> Efa voamarikareo ve fa tsy nilaza na inona na inona mikasika fanambadiana mihitsy izany? Mariho, “Ireo zanakalahin’Andriamanitra dia tonga teo amin’ireo zanakavavin’ny olona,” tsy misy na inona na inona mikasika fanambadiana. Ary raha raisinareo ny ao amin’ny teny Grika tany am-boalohany eo, ny dikan’ilay teny, dia manao hoe, noraisiko naoty eto izany any ho any, ny “vady” “Naka azy ireo ho vady,” ao amin’ny andininy faha-3, “naka an’ireo ho vady.” Ao amin’ny teny Grika, nikaroka an’izany aho tamin’ny tolak’andro teo, izany dia tsy nilaza hoe, “Naka azy ireo ho vady.” Izany dia nilaza hoe, “Naka vehivavy ho azy ireo,” fa tsy vady. Ankehitriny dia amarino izany amin’ny—amin’ny . . . ny Emphatic Diaglott, dia diniho raha tsy marina izany.

<sup>59</sup> “Naka vehivavy ho azy ireo,” fa tsy vady. Nalainy arak’izay naха-изы азы fotosny izy ireo, mpifankatia malalaka, tahaka ny ananantsika amin’izao andro izao. Amin’ny teny hafa, dia mpifankatia izy ireo tamin’izany andro izany tahaka azy ireo ankehitriny mihitsy. Nandeha tany amin’izay tian’izy ireo naleha izy ireo, ary naka ny vehivavy rehetra izay azon’izy ireo.

<sup>60</sup> “Ary rehefa ireo zanakalahin’Andriamanitra . . .” Ankehitriny, maro amin’izy ireo no milaza eto fa izany dia ireo Anjely lavo, sy ny sisa, ary ireo lehilahy sy vehivavy ireo. Fa mba hanehoana fa diso izany, tena diso tanteraka izany, ny Baiboly dia tsy milaza na aiza na aiza mikasika an’ireo Anjely hoe lehilahy na vehivavy. Ary, ankoatr’izany, dia tsy misy mihitsy ny—ny fitenenana hoe vehivavy ny Anjely anankiray, ao amin’ny Baiboly, tsia mihitsy. Ankehitriny raha ilainareo ny Soratra ho an’izany, Matio 22:20, sy ny sisa, dia afaka mahita an’izany ianareo.

<sup>61</sup> Ankehitriny, izany, izany, tsy misy mihitsy izany karazana anjely vehivavy izany. Izany no antony hoe ny vehivavy mpitoky teny iray . . . *Anjely* dia “iraka.” Ary izany dia ny—ary izany dia ny . . . Ny *anjely* iray dia “iraka.” Ary tsy misy ny tahaka an’izany. Saingy, hitanareo, fa niova izy ireo ankehitriny, tahaka an’izay nisy tamin’izany. Ankehitriny, manana zavatra arantara sasantsasany aho voaray naoty eto, maniry isika ny ho tonga eo ao anatin’ny minitra vitsy.

<sup>62</sup> Mariho, ireo vehivavy tamin’izany andro izany, tamin’ny andron’i Noa, no tsy maintsy natao resaka tamin’ilay andro. Hitanareo, “ireo zanakalahin’Andriamanitra,” ny an’i Seta, ireo

zanakalahin'i Seta, no nahita an'ireo zanakavavin'i Kaina, hoe mahafinaritra izy ireo. Nahoana? Ratsy fanahy izy ireo, ary izy ireo no zanakavavin'i Kaina. "Rehefa hitan'ireo zanakalahin'Andriamanitra ny zanakavavin'ny olona, dia tsara tarehy izy ireo, nalaindy ho vehivavy izy ireo. Tamin'izay fotoana izay ireo zanakalahin'Andriamanitra no lavo avy teo amin'ny toerana nisy azy teo amin'Andriamanitra, ary lasa mpanenjika vehivavy." Ary raha tsy izany ilay sarin'izao andro izao, dia tsy fantatroe hoe inona ilay izy. Marina izany.

<sup>63</sup> Ny lehilahy! Jereo mihitsy aza ireo fiangonantsika amin'izao andro izao, jereo ny zavatra rehetra izay tianareo, mariho izany. Na aiza na aiza, toy ny tamin'izany andro izany ilay izy, tsy maintsy vehivavy tsara tarehy. Lasa andevon'izy ireo ny lehilahy, hoy ny tantara, hoe ny lehilahy dia lasa andevon'ny vehivavy tokoa, satria tena tsara tarehy loatra izy ireo, ka lasa andevo izy ireo. Nanamboatra toera-masina ara-bakiteny izy ireo, ary nanompo. Ary, eritrereto fotsiny, nanompo nofo sy ràm-behivavy ara-bakiteny izy ireo tamin'izany andro izany. Izany ilay tantara.

<sup>64</sup> Ary ampitahao amin'izao andro izao izany. Zavatra mitovy ilay izy, ry rahalahiko. Manompo vehivavy tokoa ny lehilahy. Nahoana, ao amin'ny firentsika manokana, Rtoa. Kennedy no eritreretina indroa lavitra, noho ny Filoha. Marina izany. Ary raha miresaka lehilahy iray foana ianareo, raha manana vady iray mahasarika izy, dia izay no izy.

<sup>65</sup> Ary ankehitriny dia miresaka ny amin'ny familiana fiara izy ireo. Renareo izy ireo nilaza fa ireo vehivavy no mpamily fiara mitandrina indrindra. Diso izany, satria ho lazaiko aminareo hoe nahoana. Izaho sy Billy, teo am-pitetezana an'ity Etazonia ity, tamin'ny fanandramana voalohany, izahay dia nametraka ny—ny sarin-tany kely iray tao anatin'ny fiaranay, tabilao kely iray, ary nanoratra hoe "lehilahy" sy "vehivavy." Ary isaky ny nahavita hadisoana ny vehivavy iray, dia nasianay marika iray teo amin'ny tandrifin'ny azy; ary raha nahavita anankiray ny lehilahy iray, dia nasianay anankiray teo amin'ny tandrifin'ny azy. Ka tamin'ireo telonjato, izay antsointsika hoe "booboo," voaray teo amin'ilay lèlana tany, dia ho taitra ianareo. Nisy valopolo sy roanjato ny vehivavy, raha sivy ambin'ny folo ny lehilahy. Fa fantatrareo ve hoe nahoana? Tsy entin'izy ireo ao amin'ireo biraon'ny polisy izany. Ny polisy dia tsy hisambotra zazavavy iray tsara tarehy; iray amin'ny arivo. Azo antoka, raisiny ny laharan'ny telefoniny, fa tsy hisambotra azy izy. Ary izany fotsiny ilay fanao. Tsy mahagaga raha tsy maneho an'izany ireo antontan'isa. Hitanareo? Satria, ny lehilahy amin'izao andro izao dia tahaka ny tamin'ny andron'i Noa, miondrika eo amin'ilay toera-masina ny vehivavy tsara tarehy izy ireo. Marina izany. Oh, oadray!

<sup>66</sup> Toy ny ahoana no tsy maintsy nampahatahotra an'izany tamin'io andro io, manompo rehefa izy ireo, ireo vavy, no mampanjelanjelatra ny tenany ao amin'ny fomba mahasarika tahaka an'izany. Ary raha izy ireo no tsara kokoa tamin'ny fanaovana an'io tamin'izany fotoana izany, noho izy ireo ankehitriny, dia faly aho fa tsy velona tamin'izany fotoana izany. Eritrereto izany, hoe ahoana fa izy ireo fotsiny...ahoana no tsy maintsy nihetsehan'ireo vehivavy ireo mitovy amin'izay ataon'izy ireo ankehitriny.

<sup>67</sup> Mariho, hoy ny Baiboly hoe, "Nihinana izy ireo ary nisotro izy ireo." Ankehitriny, izany dia—izany dia ara-dalàna. Azo antoka.

"Manan-kaja ny fanambadiana." Ny lehilahy iray, lehilahy manambady vehivavy iray, manan-kaja izany, Andriamanitra no nanorina an'izany. Fa rehefa tonga eo amin'ny fotoana iray izany hoe io lehilahy io dia haka vadin'olon-kafa iray, na haka vehivavy tanora iray, na vehivavy iray ka tsy mampaninona izay maha-izy azy, ka mandrava ny voadim-panambadiany, ary manao zavatra izay diso, dia fahotana eo imason'Andriamanitra izany. Ary miteny mafy be manohittra an'izany ny Baiboly.

<sup>68</sup> Ankehitriny mariho, Izany dia milaza fa ny fanambadiana, dia Andriamanitra no nanorina an'izany tao Edena, saingy nanameloka ny fijangajangana tokoa Izy. Ary ireto lehilahy sy vehivavy ireto, tamin'izany andro izany, dia nihodina tamin'ireo lalànan'Andriamanitra, ka naka an'ilay izy ho an'ny tenany ary nanao an'izany, na ahoana na ahoana. Ankehitriny, ampitahao amin'izao andro izao izany. Jereo ilay izy. Raha tianareo ny hahita fa ao amin'ny gara ilay fiaran-dalamby, dia eritrereto lalina tsara izany ankehitriny, fa ilay Jesosy Kristy tsy mety diso no nilaza an'ireo Teny ireo. Hitanareo?

<sup>69</sup> Ary mariho, ny Baiboly no nilaza eto hoe, "Nihinana sy nisotro izy ireo," mazava ho azy, fa niaraka tamin'ireo vehivaviny tsara tarehy. Ankehitriny, fantatsika fa mety daholo izany. Mihinana sy misotro, izany no anankiray amin'ireo lalànam-piaínana ara-boajanahary. Tsy maintsy manao an'izany isika. Saingy raha izay ihany no eo amin'ny fisainantsika, amin'izao andro izao dia lasa tendan-kanina mihitsy ny olona, mamo, ireo vehivavy dia misotro ao amin'ny trano fisakafoana. Ary rehefa miditra amin'ny toerana iray ianareo izay misy an'ireo—ireo toaka lafo vidy sy zava-pisotro mifangaro izay aroso, dia ireo vehivavy no misotro betsaka noho ny lehilahy.

<sup>70</sup> Hoy Jesosy hoe, "Tahaka ny tamin'ny andron'i Noa, nihinana izy ireo, sy nisotro, ary nampaka-bady." Amin'ny teny hafa, dia niaina niaraka tamin'ny vehivavy izy ireo fa tsy nanambady azy ireo. Ary amin'izao andro izao, nahoana, tena voaorina tsara izany. Nanana Reno iray izy ireo, mba hahafahanareo

manambady, sy misara-bady ary manambady indray, amin'ny andro iray ihany izany rehetra izany. Izany dia fomba efa lany andro ankehitriny. Ireo—ireo vady lahy, neverina ho, sy ireo vady vavy, dia manana fanalahidy samihafa ho an'ireo efitra eto amin'ireto tanàna lehibe ireto. Ankehitriny, manao dia aho. Izaho—izaho dia eto amin'ireo tanàna ireo mihitsy ary mahafantatra an'izany ho marina, fa ilay vady lahy dia manana an'ireo fotoany, ary ilay vady vavy dia manana an'ireo fotoany. Oh, izany dia tena lala-malalaka iray an'ny—an'ny fahalòvana, hany izany ka mamokatra andian'ny—ny taranaka iray malemy, kamo, tsy tsara, voalahatra ho any amin'ny helo.

<sup>71</sup> Taona vitsy lasa izay, jereo hoe lasa aiza ny lehilahy, ao amin'ny vatany. Jereo hoe lasa aiza izy, amin'ireo zavatra izay nataony. Miezaka tsy an-kitsahatra ny siansa mba hanamboatra sakafio iray tsaratsara kokoa, katsaka mifangaro, sy—sy voatabia mifangaro, hen'omby mifangaro, nefo dia tsy tsara mihitsy ilay karazany. Mamono ny olona ilay izy, nefo tsy fantatr'izy ireo izany. Nahoana, ao anatin'ny taona vitsy manaraka, izy ireo dia tsy hisy afa-tsye a—andiany iray tahaka ny trondro malama fotsiny.

<sup>72</sup> Dimampolo taona lasa izay, ireo lalao baolina dia nandeha tahaka ny ataoñ'izy ireo ankehitriny mihitsy, nefo tsy nandre olona iray naratra mihitsy ianareo, fa ankehitriny dia mamono roa ambin'ny folo izy ireo, na indroa amin'izany, isan-taona. Baolina iray no mandôna lehilahy iray, izy, dia tsy misy na inona na inona ao aminy hahatzona ny ainy ao aminy. Tahaka ny kisoadia iray izy. Dominareo izy, dia tena malemy izy, maty izy.

<sup>73</sup> Rehefa niady tamin'i Bob Fitzsimmons i Corbett, mino aho fa izy ireo dia niady nandritry ny fihodinana dimy amby roapolo amby zato, tolak'andro iray, tsy misy fonon-totohondry. Rehefa ireo lehilahy miaraka amin'ny totohondry tahaka an'izany teo amin'ny sandriny ireo no afaka maka hazofisaka roa-sy-efatra iray, efatra inches ny hateviny, ka nahavaky an'io hazofisaka roa-sy-efatra io tsy nisy afa-tsye totohondry mafy fotsiny. Izy ireo dia matory miaraka amin'ny tânany ao anaty vinaingitra, mba hanao an'ireo totohondry ho mafy. Ary ny—ny fihodinana iray dia tsy fihodinana kely roa na telo minitra tahaka ny ananantsika amin'izao andro izao. Tsy nanana hoditra malemilemy izy ireo nifatotra teo amin'ireo fonon-tânany, nefo tsy nisy olona maty. Ary niady izy ireo. Ny fihodinana iray dia fahalavoana iray. Tsy maintsy mandavo an'ilay lehilahy ianareo. Ary izy ireo dia niady fandavoana dimy amby roapolo amby zato. Lehilahy izy ireo. Ary amin'izao andro izao dia tsy maintsy hajanon'izy ireo ilay fanaovana ady totohondry, nefo misy hoditra malemilemy eo amin'ny sandrin'izy ireo sy eo amin'ny fonon-tânany'izy ireo, tsy afaka miady fihodinana roa na telo ka tsy misy olona maty. Inona ny olana? Izy dia vita tamin'ny

andiany iray izay, tsy fantatro, dity malemy, tsinontsinona mifangaro, hany ka maty ilay taranaka iray manontolo.

<sup>74</sup> Tsy nilaza an'izany ve ny Baiboly, hoe izy ireo dia hiha-malemy sy hiha-mahay? Nahoana, ao amin'ny taranak'olona hafa iray ho avy, dia hivelona amin'ny pilina iray izy ireo, haka pilina iray ho an'ny sakafo harivany. Tsy misy afa-tsy andiana mpifoka sigara iray fotsiny izany, mpisotro whisky, mpanenjika zava-pisotro mifangaro, andiana mpifoka zava-mahadomelina, atsindrona. Ireo ankizyadolantsento any an-tsekoly, sy ireo ditran-jatovo; tsy mahagaga, raha ny reniny eny an-dàlambe, izay manao ny fomba izay ataony, no manosika ny ankizy ao amin'ilay zavatra mitovy.

<sup>75</sup> Mitombo ireo vehivavy tsara tarehy; potika ny fiainana sosialy. Oh, oadray, zavatra lehibe iray toy ny inona no ao amin'ilay andro izay iainantsika! Toy ny ahoana no anaovan'izy ireo an'izany, izany dia tsi-... ho afa-miala amin'izany. Tsy ho afa-miala amin'izany izy ireo. Inona no ataon'izy ireo? Tahaka ny nataon'izy ireo tamin'izany mihitsy, manao ny Didin'Andriamanitra ho fanesoana. Hoy Andriamanitra hoe, "Aza mijangajanga ianareo." Saingy asehon'izy ireo fa mahavita an'izany izy ireo, ary ho afa-miala amin'izany. Mihevitra izy ireo fa ho afa-miala amin'izany, saingy tsy hahavita an'izany mihitsy izy ireo. Angamba tsy tokony ho tonga ianareo, hihaino an'izao. Hah? Na izany aza, dia Andriamanitra no nilaza fa izao no fotoana izay hipiapian'ilay jiro mena. Jesosy no niteny an'izany.

<sup>76</sup> Ankehitriny fahotana toy ny—ny inona no ataon'izy ireo, nefy mihomehy an'ilay fahotana! Matetika, izany, ilay tena zavatra izay antsoin'ity Baiboly ity hoe tsy mendrika, no antsoin'izao tontolo izao amin'izao andro izao hoe hery. Rehefa maka ny—ny tovovavintsika ianareo, ka manendaka amin'izy ireo ny akanjony, sy mamoaka azy ireo eo miaraka amin'ny sorta, ao amin'ny pataloha sy ny sisa, ka mandefa azy ireo eny an-dàlambe, ary mihevitra fa izany no hery izay afaka hampisehoan'ilay zazavavy ny nofom-behivaviny. Nefy, ny Baiboly no milaza fa izany dia fahotana, mahatsiravina! Fa izao tontolo izao dia miantso an'izany ho hery. Hitanareo, izy ireo dia manao ny Didin'Andriamanitra... Ary ny fiangonana dia tsy miteny na inona na inona mikasika an'izany. Izao no fotoana izay hitsanganan'ny olona iray amin'ny anaran'ny fahamarinana, amin'ny Anaran'i Jesosy Kristy, ka hametraka fitomboka eo amin'izany, satria indray andro any dia hamaly ho an'izany isika amin'ny Andron'ny Fitsarana.

<sup>77</sup> Ankehitriny, raha toy ny hoe trrainay sy ntaolo izany, ho an'ny olona iray, dia amarino indray ny tamin'ny taona vitsy lasa dia jereo izay miseho ankehitriny, ary avy eo dia eritrereto ny ho avy. Tsy misy ho avy afa-tsy ny Fihavian'ny Tompo.

<sup>78</sup> Mariho, ampitahao amin'ny fandehan-javatra amin'izao andro izao ireo vehivavy talohan'ny safo-drano; amarino hoe inona izy ireo. Amarino izay nataon'ireo zanakalahin'Andriamanitra; amarino izay ataon'izy ireo amin'izao andro izao.

<sup>79</sup> Nipetraka tao amin'ny fivoriambe iray aho vao tsy ela akory izay, ary saiky nampitambotsotra ahy izany, rehetra... Ny olona rehetra dia toy ny hoe nankasitraka ny resaky ny mpitoriteny iray, izay nijoro teo amin'ny lampihazo. Ary nipetraka teo amin'ny zorony iray aho. Ary nisy ny ny ramatoa tanora iray izay niditra, ary tena ratsy fiakanjo tokoa izy. Ary nitety an'io fiangonana io izy, araka ny lazain'ny Baiboly hoe, mianjonanjona izy raha nandeha. Ary ny mpitory teny rehetra teo amin'ny lampihazo, miampy an'ilay fiangonana, ny olona tsirairay dia nanodina ny lohany ka njery, nanaraka an'io zazavavy io. Dia nieritreritra an'ity Soratra ity aho hoe, "Ireo zanakalahin'Andriamanitra dia njery an'ireo zanakavavin'ny olona," vehivavy mpanota, tsy masina, tsara tarehy. Oh, izany no mamotika fiangonana maro. Izany no nanaisotra ny Fanahin'Andriamanitra. Mariho, "Nijery an'ireo zanakavavin'ny olona."

<sup>80</sup> Ankehitriny tsarovy, ilay Jesosy Kristy tsy mety diso no nanambara fa ho toy izany ireo zavatra ireo amin'izao andro izao. Ary hoy Izy hoe, "Rehefa mahita an'ireo zavatra ireo miseho ianareo, amin'izay fotoana izay dia fantaro fa eo am-baravarana ilay fotoana." Ankehitriny, tsy betsaka ny olona hiteny an'izany. Misy betsaka ireo mpitory teny izay tsy afaka hiteny an'izany. Afaka izy, raha tiany. Fa raha tiany, dia handroaka azy ilay fiangonana. Izany marina tokoa ny fahamarinana.

<sup>81</sup> Fa ity no zavatra anankiray. Raha nantsoin'Andriamanitra ny lehilahy iray, dia hijanona hiaraka amin'ity Baiboly ity izy, tsy ahoako izay tsy maintsy hataony. Tsy maintsy mahatsiaro ianareo fa Izany no Fahamarinana. Ary ny Fahamarinana dia na manajamba na manafaka. Ary izany marina tokoa no nolazain'i Jesosy Kristy.

<sup>82</sup> "Lavo ireo zanakalahin'Andriamanitra noho ny hatsarambika sy tarehy, an'ireo zanakavavin'ny olona." Ary izany marina mihitsy no ananantsika amin'izao andro izao, zavatra mitovy indray.

<sup>83</sup> Ankehitriny, ampitahao izany andro izany. Fitomboan'ny olona; ireo vehivavy lasa tsara tarehy; ireo zanakalahin'Andriamanitra lavo; fanambadiana sy fampakaram-bady; resaka fisaraham-panambadiana; miaina ao anatin'ny fijangajangana; sy ny sisa.

<sup>84</sup> "Nahoana" hoy ianareo, "Rahalahy Branham, iray minitra fotsiny. Tsy mahafantatra aho."

Henoy, rahalahy, alohan'ny hilazanareo zavatra iray, dia henoy izao. Jesosy Kristy no nilaza, fa, "Izay rehetra mijery vehivavy iray ka mitsiriritra azy, dia efa nijangajanga taminy sahady tao am-pony." Ary rehefa hitanareo... Raha mivoaka avy ao amin'ny biraony ny lehilahy iray, mivoaka avy ao amin'ny fiangonana, mivoaka avy ao an-tranony, mitety ny lâlambe, inona no hitanareo afa-tsy fampisehoana iray, eo amin'ny lafiny rehetra, an'ny nofo sy râm-behivavy, tsara bika, tsara tarehy, maka fanahy. Izany no nolazain'Andriamanitra fa hiseho. Rehefa niseho izany, dia efa teo am-baravarana ilay fotoana.

"Tahaka ny tamin'ny andron'i Noa, rehefa hitan'ireo zanakalahin'Andriamanitra ireo zanakavavin'ny olona, ary nanomboka naka vehivavy ho azy ireo izy." Hitanareo? Eo ianareo izao.

<sup>85</sup> Ankehitriny diniho. Hitantsika izany, ilay zavatra mitovy amin'izao andro izao. Hitantsika ao amin'ny tantara, ilay karazana vatana mahasintona izay nananan'izy ireo tao aminy, hany ka ireo zanakalahin'Andriamanitra no nanao toera-masim-behivavy ho an'ny tenany. Izany ny amin'i Venus, sy ny sisa. Hitanareo? Izy ireo, izy ireo dia nanao toera-masina, ary niankohoka tamin'ireo. Eny, hoy ianareo hoe, "Rahalahy Branham, tsy manana an'ireo karazan-javatra ireo isika amin'izao andro izao. Tsy afaka mampitaha an'izany amin'izao andro izao ianao." Miala tsiny aminareo aho. Mino aho fa mbola ratsy noho ny tamin'izany ny amin'izao andro izao.

<sup>86</sup> Inona no hitantsika? TV. Tsy afaka maka gazety iray akory aza ianareo afa-tsy hoe ny zavatra rehetra izay hitanareo dia aparitaka miaraka amin'ny vehivavy. Vehivavy tsara tarehy eo amin'ny fonosana whisky rehetra, ao amin'ireo magazina, mampiseho vatana, mitafy tsy mendrika. Eo amin'ny TV, eo amin'ny zavatra rehetra, dia vehivavy iray mitafy mampiseho vatana, vehivavy tsara tarehy iray. Ary hitantsika eo amin'ireo—ireo dokam-barotry ny sigara, ny zavatra rehetra izay jerenareo, dia hitanareo fa vehivavy iray manintona izany. Tsy afaka mijery dokam-barotry ny ban-kiraro vita amin'ny landy akory aza ianareo raha tsy mahita kazarana vongan-dranjo iray mahia, mifono ao anatin'ilay izy. Ary marina izany. Fa inona izany? Nahoana izany?

<sup>87</sup> Mahatsiaro lehilahy iray izay niasako aho, Chris Meisner, teto amin'ny zoron-dâlana teto. Maro aminareo no mahatsiaro an'i Chris Meisner. Ny vadiny, Lillian, ny anarany dia Lily, neveriko, Ellinger iray. Ary izy rehefa... Tonga ny lehilahy iray. Tovovavy iray mahafinaritra izy. Ary lehilahy iray no te-hahazo ny fanomezan-dâlana avy tamin'ny rainy, mba hametraka ny tarehiny, ny sariny, ny sariny mihorirana, eo amin'ny boatin'ny vatomamy iray. Ary nitsangana ity Alemandy Loterana tranaindy ity, ka hoy izy hoe, "Faniratsirana iray izany amiko, ny mametraka ny sarin'ny zanakovavy eo amin'ny boatin'ny

vatomamy iray, mba hapanitaka manerana ny firenena.” Ahoana ny amin’izao andro izao? Nefa, ireo takela-by, ny televiziona, ny zavatra rehetra hitanareo, dia tsy mendrika, ratsy, mampiseho vatana, zavatra tsy masina. Marina izany. Inona izany? Ilay fiaran-dalamby, ilay tranaindy—ilay fiaran-dalamby tranaindy dia eo amin’ny garany ankehitriny. Ny Baiboly no niteny an’izany, ho avy tsy ho ela izy. Rentsika ilay feo.

<sup>88</sup> Miresaka zavatra hafa mikasika an’izany isika, saingy, tsarovy, ity dia fipiapiaka anankiray hafa, iray amin’ireo fipiapiaka izay mipiapiaka eo anoloantsika amin’izao andro izao. Oh, hitantsika ilay toetran’ny firenena; hitantsika ny korontana ara-politika; hitantsika ny toeran’ny fiangonana. Mitory eo amin’izany rehetra izany isika. Fa ity dia zavatra anankiray vaovao. Izany dia zavatra anankiray izay tsy tena malaza ho resahana, saingy tsy maintsy atao ilay izy, satria tsy maintsy hisy feo iray hiantsoantso. Tsarovy, ireo tena teny izay lazaiko izao hariva izao dia hihaona amiko any ao amin’ny Fitsarana. Hitanareo?

<sup>89</sup> Rehefa nahita an’io vehivavy io aho vao tsy ela akory izay, tao amin’ny fahitana iray izay nasehon’ny Tompo tamiko, nahita azy maty. Izany, tsy afaka nieritreritra mihitsy ny anaran’ilay vehivavy aho, izy, Marilyn Monroe. Ary mbola tsy nahita azy mihitsy aho. Tsy mandeha any amin’ireo sarimihetsika aho. Saingy izaho—izaho—izaho dia nahita an’ilay zazavavy, ary nanintona izy. Ary niezaka izy ny ho tonga eo amin’ny zavatra anankiray; teo am-pahafatesana izy, tratry ny aretim-po iray. Ary hoy ny Tompo hoe, “Ankehitriny lazao hoe, ‘Maty tamin’ny efatra ora mihitsy izy. Tsy namono tena izy.’” Hoy Izy, “Fa afaka milaza ianao fa maty tamin’ny efatra ora izy, satria segondra vitsy talohan’ny amin’ny efatra fotsiny izany.” Ary hitako teo izay nahitan’izy ireo azy. Ary nolazaiko tamin’i Billy, nolazaiko tamin’ny fianakaviana, ireo izay niaraka tamiko, ny momba an’izany. Ary andro vitsy taty aoriana, no maty i Marilyn Monroe.

<sup>90</sup> Ankehitriny, rehefa tany Canada aho indray andro, dia tsy nitsahatra niteny tamiko ireo ankiziko, tao amin’ny toerana iray izay nisy ramatoa anankiray izay namela anay hahazo an’ilay trano, nanana televiziona iray. Dia hoy izy ireo hoe, “Hisy lalao iray, antsoina hoe, The River Of No Return.” Izany ilay renirano izay anjonoako, isan’andro. Ary i Don Smith, sakaizako iray, no manao an’ilay fandehanana. Hoy izy, “Manao sarimihetsika iray an’izany izy ireo.” Dia hoy izy ireo, “Dada, angamba ilay Atoa. Smith no eo amin’ilay fandaharana. Tianaov ve ny hijery an’izany?”

“Eny,” hoy aho, “rehefa miverina avy any Canada aho, raha vitako ara-potoana ilay izy, dia hijery an’izany aho.” Eny, rehefa nandeha ilay lalao, dia nandeha aho mba hijery an’ilay izy, nandeha mba hijery an’ilay izy. Ary rehefa nandeha aho, dia iza

no nilalao tao amin'ilay izy fa tsy Marilyn Monroe. Ankehitriny, teo izy, herintaona taorian'ny nahafatesany na mihoatra, teo izy nitafy nitanjaka nampiseho fitanjahana tanteraka. Nisy ny feony teo amin'izany, mbola nilalao; ary hilalao, mandritry ny taona maro sy taona maro, eo amin'ilay horonam-peo voarakitra. Raha mbola mitahiry ny fihetsiny io horonam-peo voarakitra io, ka raha afaka mijery avy eo amin'izay misy azy izy izao hariva izao... Matoky aho fa voavonjy izy, saingy tsy fantattro; an'Andriamanitra izany. Fa raha afaka mijery any aoriana izy, dia tsy afaka handà an'izany izy. Tsy afaka handà an'io izy, satria ananantsika ilay izy. Tsy mihoatra noho izany ve ny ananan'Andriamanitra ny fihetsika rehetra, ny hetsika rehetra, eo amin'ilay Horonam-peony lehibe indrindra, izay ho... Tsy afa-miala amin'izany isika. Eo mihitsy izany.

<sup>91</sup> Ary tsarovy, raha nisy fanamafisam-peo iray nipetraka tetu amin'izay misy an'ity mihitsy, ka nanely nankany amin'izao tontolo izao aho ankehitriny, dia handre ny feoko ireo olona manerana an'izao tontolo izao alohan'ny hiampitan'izany mihitsy avy eto amin'ity polipitra ity ho eny aminareo aza. Izany dia ao amin'ireo elektronika an'izao—an'izao tontolo izao.

<sup>92</sup> Ary fantatrareo, fa ny feo dia tsy maty mihitsy. Tsy ho faty mihitsy izany. Ny siansa no nanambara hoe, "Ao anatin'ny roapolo taona," raha afaka mandroso izy ireo tahaka an'izay ananany ankehitriny, "Dia hahazo ny feon'i Jesosy Kristy arabakiteny izy ireo fony Izy tety an-tany, ao anatin'ny roapolo taona manomboka izao." Satria, izany dia toy ny manipy vato kilonjy iray ao anatin'ny kamory iray, mety hanjavona eo amin'ny fahitanareo ireo onja kely amin'ny farany, saingy ny siansa no manambara fa hiverina eny amin'ilay morona anankiray izy ireo, miampita an'ilay ranomasimbe ho any amin'ny iray hafa, ary mandroso sy miverina, ka tsy ho faty mihitsy izy ireo. Ary na dia ireo teny izay teneninareo koa aza dia tsy maty; hihaona aminareo izy ireo amin'ny Andron'ny Fitsarana, ka hanameloka anareo na hamonjy anareo, ary tsy ho vitanareo mihitsy ny hiala amin'ny anankiray amin'izany.

<sup>93</sup> Ary tena mahalala isika, fa tonga manerana an'ity efitra ity mihitsy izany ankehitriny, dia ireo sarin'ny olona. Raha tsy mino an'izany ianareo, dia alefaso ny televiziona. Ary misy an'ireo feon'ny olona ao, kanefa ireo taovam-panamboloantsika dia tsy mandray an'izany.

<sup>94</sup> Ankehitriny, dia manana toeram-pandefasana iray izy ireo sy andry iray misy andriam-by, na fantsona iray, na kristaly iray izay maka an'ireny feo ireny ka mamerina azy ireny indray. Ary ankehitriny ny zavatra tokana maha-Baiboly azy, dia izao, ny Tenin'i Jesosy Kristy izay Noteneniny, ary Izy ireo dia velona ara-bakiteny tahaka ny teny hafa rehetra izay misy eto amin'izao tontolo izao amin'izao hariva izao.

<sup>95</sup> Ankehitriny, raha voadion'ny Ràn'i Jesosy Kristy ny fonareo, ka lasa fitaovam-pandraisana iray avy amin'ilay Fitaovam-pandefasana, dia Izy no tsy miova omaly, anio, ary mandrakizay, ka hanao an'ireo zavatra mitovy amin'izay Nataony, satria ireo Teniny dia tsy mety maty. Velona mandrakizay Izy ireo. Tsy mila maka fitaovana iray izy ireo, na hoe roapolo taona manomboka izao. Mandray Azy isika izao ankehitriny izao. Ankehitriny, eo ianareo izao.

<sup>96</sup> Velona ao amin'ity andro lehibe izay iainantsika ity, akaikin'ny fihavian'ny Zanak'olona, sy ireo jiro mipiapiaka na aiza na aiza, an'ny Fihaviany. Hitantsika izany ao amin'ireo politika; hitantsika izany ao amin'ny fiangonana; hitantsika izany ao amin'ny fotoana; hitantsika izany na aiza na aiza jerentsika. Hitantsika fa ny masoandro dia tsy tahaka azy taloha.

Mitsimbadika izao tontolo izao. Milaza amiko izy ireo izao ankehitriny izao, any amin'ny Tendro Avaratra, any ambony any, fa ny ranomasina dia efa lasa, adinoko hoe firy, lalina kokoa noho izy taloha. Ny Bering Strait, afaka nandeha nitety azy ireo ianareo. Ankehitriny, izany dia lalina amina dian-tongotra maro, maro, maro, ao amin'ilay Bering Strait. Nahoana? Mibontsina eo afovoany ny tany. Izany dia lasa marivo teo amin'izay lalina, ary lasa lalina teo amin'izay marivo. Mitsimbadika tanteraka izao tontolo izao. Mihevaheva izy. Mihilangilana izy. Ny natiora rehetra dia kivy, sy ny zavatra rehetra izay mety hitantsika.

<sup>97</sup> Ary ankehitriny, izao hariva izao, dia hitantsika fa ilay tena natiora izy tenany mihitsy no mamokatra, ao amin'ny taranak'olombelona, an'ilay famantarana ny Fihaviany; satria, ireo zanakalahin'Andriamanitra, sy ireo zanakavavin'ny olona dia lasa tsara tarehy, ary toy ny ahoana no hakany vehivavy ho azy ireo. Ora iray toy ny inona no iainantsika! Oh, oadray, ary ahoana ilay izy tamin'izany andro izany!

<sup>98</sup> Noho izany dia hitantsika ao amin'ny tantaran'ilay zavatra lehibe manaitra, ny amin'ny lehilahy manompo an'ireo vehivavy, ary hitantsika amin'izao andro izao fa izany no tontolon'ny vehivavy.

<sup>99</sup> Tany Suisse aho, vao tsy ela akory izay, ary niresaka aho tamin'ny... Ankehitriny, tsy misy na inona na inona hanoherana an'ireo vehivavintsika Kristiana, tsia, tompoke, firavaka izy ireo. Miresaka ny fandehan'izao tontolo izao aho. Nisy ramatoa iray nandeha fiara niaraka tamiko, Rahalahy Guggenbuhl, sy ny sakaimy vavy izay niarahany. Izy dia lehilahy iray saiky—saiky tena manakaiky ny taonako mihitsy, tsy mbola nanambady mihitsy, mpitovo antitra iray, ary niaraka tamin'ny vehivavy tanora iray izy. Ary tamin'izay fotoana izay ny iray tamin'ireo zazavavy avy any, dia nanao hoe, "Ranadahy Branham, resaho

aminay ny mikasika an'i Amerika. Azonay fa, ireo vehivavy any, izany dia tontolom-behivavy iray any, tena azo antoka."

Hoy aho hoe, "Marina izany"

Hoy izy, "Izaho dia naniry foana ny handeha any."

Avy eo dia nanomboka nanazava taminy aho. Hoy izy hoe, "Inona?" Hoy aho hoe, "Eny." Nanova ny heviny teo no ho eo izany.

"Eny," hoy izy, "ahoana no hahafahanao hiaina fiainana Kristiana iray amin'ny toerana tahaka an'izany, raha izany?" Eritrereto izany.

<sup>100</sup> Rehefa nandeha aho tany—tany Roma, ka tonga tao amin'ny San Angelo, ireo hadim-pasana, dia nanaitra izany. Rehefa nivoaka ny hoteliko aho ka nandeha teo amin'io toerana io izay nantsoina hoe, "Three Coins in a Fountain," ireo vehivavy eny andàlambe, tsy mendrika toy ny ahoana. Mivoaka ireo vehivavy dia mangataka aminareo mba hitondra azy ireo any amin'ny fotoana iray, ny karazany rehetra, ny habeny, sy ny karazany. Ary adinoko hoe firy no nanatona ahy sy i Billy ary Rahalahy Baxter, talohan'ny nahatongavanay teo amin'ilay dobo, ary ilay lehilahy avy ao amin'ny TWA izay naneho anay ny manodidina. Hoy aho hoe, "Tsy maintsy miaina tahaka an'izao ve ireo vehivavy ireo?"

<sup>101</sup> Hoy izy, "Tsia. Rehefa teto ireo miaramila, dia zatra an'izany izy ireo. Ary, kanefa, izy ireo dia manana asa tsara iray, kanefa dia mbola manohy ihany izy ireo."

Fa na dia amin'ny toerana iray tahaka an'izany aza, rehefa tonga teo amin'ilay toeran'i San Angelo aho, dia nisy marika goavana be iray teo, avy tao Vatican, izay nanao hoe, "Fanamarihana iray ho an'ireo vehivavy Amerikana! Azafady manaova akanjo alohan'ny hidiranareo sy hanomezana voninahitra ny maty."

<sup>102</sup> Nahita zazavavy Amerikana iray aho nidina tany Paris, izay misy, tokoa, ny iray amin'ireo lamaodintsika dia avy tany Paris taloha. Fa ilay zazavavy dia tena nitafy tsy mendrika, niaraka tamin'ny rainy sy ny reniny, hany ka ireo miaramila izay niasa tany dia nametraka an'ireo lapikany sy angadiny, ary nihazakazaka teo ka njery an'ilay fisehon-javatra, mba handinika an'ity zazavavy Amerikana mandalo ity.

<sup>103</sup> Isika no manendry an'ilay famindran'ny lamaody. Paris izany taloha, fa ankehitriny dia izy ireo no tonga eto mba haka an'ilay loto ratsy, ambany. Ary ity firenena ity, izay vao avy nandalovan'ny fifohazana iray, an'ny batisan'ny Fanahy Masina, niaraka tamin'ilay Tompo Jesosy maha-te-ho tia izay naneho an'ireo Famantarany sy fahagagan'ny famindrampo, ary niteny fa tahaka ny tamin'ny andron'i Noa, sy ireo jiro miapiaka avy amin'ny lafiny rehetra. Andriamanitra iray izay afaka manangana ny maty avy eo amin'ny fandriany; Andriamanitra

iray izay afaka manasitrana ny marary; Andriamanitra iray izay afaka miteny zavatra alohan'ny hisehoany, ka manao an'ilay izy ho tanteraka hatrany amin'ny teboka, isan'andro, tsy mety diso. Ary afaka mitory amin'ireo vehivavintsika eto Amerika ianareo, nefo miharatsy isan-taona izy ireo. Bombay, ny tiako ho lazaina...

<sup>104</sup> Tany Durban, Afrika Atsimo, izay nisy tera-tany roa hetsy niangona tao amin'ilay fivoriana, rehefa notanterahan'Andriamanitra ilay fahagagana lehibe. Ary nahita tena tera-tany telo alina aho. Ireo vehivavy dia nitsangana teo niaraka tamin'ny akanjo vakana iray efatra inch fotsimy nihantona teo anoloana. Ary ny lehilahy, tsy manao akanjo, akanjo efatra inch. Nitanjaka! Bodofotsy iray no natorian'izy ireo, hoditr'osy iray; ireo dia nomena, ho azy ireo, rehefa tonga eo amin'ny taona anankiray izy ireo; ary amin'izay fotoana izay dia ao anatin'izany izy ireo no miaina, matory ao anatin'izany, mirakotra ao anatin'izany, ary maty ka alevina ao anatin'izany, ao anatin'ny fefim-biby iray any ho any.

<sup>105</sup> Ary nahita an'ireo vehivavy ireo aho, tena mbola fahagola mihitsy, hany ka vehivavy iray no niteraka zazakely, nippetraka teo amin'ny roapolo dian-tongotra avy teo amiko. Tsy mbola nandeha tany amin'ny hopitaly iray mihitsy izy. Izy ireo, vehivavy iray no nanampy azy teo iray minitra, ary teo amin'ny dimy minitra teo dia vita ny rehetra. Nalainy ilay zazakely ary nazoniny teo amin'ny tratrany, mba hinonoany. Tena fahagola izany! Saingy rehefa nahita ny herin'Andriamanitra Tsitoha tonga teo amin'ny zazalahy iray izay ory izy ireo, ary tsy tao amin'ny sainy tsara akory aza; ka nitsangana izy tao amin'ny sainy tsara, nanome dera an'Andriamanitra; tena tera-tany telo alina no nandray an'i Jesosy Kristy ho Mpamomjiny manokana. Inona no nitranga? Tsaroanareo, izany dia im-polo lehibe lavitra noho ny Pentekosta. Telo alina! Ary tsy nisy olona...

Nandinika an'ireo vehivavy ireo tamin'ny masoko manokana aho, rehefa niankohoka tamin'ny tany izy ireo, namotika an'ireo sampiny, nanolotra ny fiainany ho an'i Jesosy Kristy. Tsy nahafantatra izy ireo; mety tsy mbola nandre ny Anarany mihitsy angamba, ny maro amin'izy ireo. Saingy rehefa niankohoka tamin'ny—ny lohaliny izy ireo, ka nanontaniako izy ireo, raha tso-po ny amin'izany, hentitra amin'izany, mba hamotika an'ireo sampiny. Dia nopotehiny ireo sampiny. Ary rehefa niankohoka tamin'ny lohaliny izy ireo ka nanolotra ny fiainany ho an'i Kristy, raha nivavaka ho azy ireo aho, dia nitsangana izy ireo. Ary ireo vehivavy izay nijoro niaraka tamin'ny sandriny nidina ireo, tsy nahafantatra fa nitanjaka izy ireo; vantany vao nikasika ny fiainany ny Fiainan'i Kristy, dia hitako ireo vehivavy ireo namalona ny sandriny ary niala teo amin'ny fanatrehan'ny lehilahy. Ary raha ny fikasihan'i Jesosy Kristy no hanao an'izany amin'ny tena teratany iray,

inona no tokony hataon'izany amin'ny firenena iray izay efa nandre ny Filazantsara nandritry ny an-jato taonany? Eo isika ankehitriny... Izaho no nahita an'izany. Izany dia tsy hoe nolazain'ny olon-kafa. Izaho no nahita an'izany. Hitanareo? Mahagaga raha izany fa isika dia miantso ny tenantsika ho Kristiana, nefà isan-taona dia manala betsaka hatrany. Ary ireo fiangonana dia toy ny tsy miraharaha na inona na inona mikasika an'izany.

<sup>106</sup> Ireo fandaharan'ny TV, oh, no manao an'ireo vehivavy nofo sy rà... Tsy andriamanitra izy ireo. Tsy andriamanibavy izy ireo. Fa izany no mametraka an'i Amerika ao amin'ny toerana marina tokoa hanatanterahana ny Soratra. Ny isan'i Amerika dia telo ambin'ny folo. Ny toera-masin'i Amerika dia vehivavy iray, foana. Eo amin'ny volantsika izany. Eo amin'ny zavatra rehetra izany. Ary ankehitriny dia izany tokoa no mitondra ao amin'ny fotoana iray izay hananantsika andriamanibavy Amerikana, ihany koa, tsy ho ela loatra intsony. Afaka mahita an'ilay sora-tàana eo amin'ny rindrina ianareo.

<sup>107</sup> Oh, inona no hataontsika? Tsy afaka mandeha eny andàlambe akory aza ianareo ka tsy hahita... Jereo eny andàlambe, mandehana mankany an-tanàna dia jereo fotsiny ilay fampisehoan'ireo vehivavy, ahoana no anaovan'izy ireo ny tenany miaraka amin'ireo akanjo eo amin'izany, amin'ny fahatsorana tanteraka, ny vehivavy iray dia tokony ho menatra ny hitsangana tahaka an'izany ao amin'ny efitra fanoharany akanjo. Mandeha eny an-dàlambe izy ireo, tena tery, ary—ary akanjo bitika kely no anaovany. Ary—ary any amin'ireo torapasika fandroana miaraka amin'ireo 'kinis kely, na inona na inona iantsoan'izy ireo azy, anaovany, sy ireo karazan-javatra tahaka an'izany. Nefà tsy mahafantatra fa fanahin'ny ratsy iray no ao anatin'izy ireo. Nefà, maro amin'izy ireo no mihira ao amin'ny antoko mpihira. Izany no nolazain'i Jesosy fa hiseho.

<sup>108</sup> Nofom-behivavy! Nofo sy rà izy ireo. Tsy andriamanitra izy ireo. Araka ny hevitro... Andriamanitra anie hamela ahy raha diso aho. Izany no fitanjahana ambongadiny iray. Tsy afaka manome tsiny ny lehilahy iray mihitsy ianareo, raha toa izy ka tsy—tsy Kristiana, fa ho lavo izy, ary ho lavo ao anatin'ny fakampanahy sy ho eo amin'ny toerana iray izay hanaovany zavatra ratsy, hany izy ka, hitanareo, tsy afaka mahafehy ny tenany izy. Mahagaga fa tsy dia betsaka ny fanimbàna misy, satria, ny maro amin'izany, dia ireo vehivavy no ao anatin'izany. Fa, raha tsy izany ilay izy, dia ahoana no hahafahanareo manome tsiny ny lehilahy? Omeo tsiny izay mendrika homena tsiny.

<sup>109</sup> Vehivavy iray no nanao hoe, “Ankehitriny, Ranadahy Branham, izaho dia tena mendrika mihitsy arak’izay maha-izy ahy...” Tsy misy fisalasalana ny amin'izany.

Fa, ranabaviko, mba fantatrareo ve fa hamaly ianareo amin'ny Andron'ny Fitsarana noho ny fijangajangana rehefa mampiseho ny tenanareo any ivelany any ianareo ka mijery anareo ny lehilahy? Hoy Izy hoe, "Izay mijery vehivavy iray ka mitsiriritra azy, dia efa nijangajanga taminy sahady tao ampony, ary tsy maintsy hamaly ny amin'izany." Ary angamba tsy nanao an'ilay fihetsika ianareo, saingy ianareo no namela an'i Satana hametraka an'io fanahy io teo aminareo, nefo, ny natiora izy tenany no tokony hampianatra anareo fa ratsy izany! Na dia tsy manana ny Fanahin'Andriamanitra aza, dia tsy maintsy manao an'izany ny natiora, mampianatra anareo fa ratsy izany.

<sup>110</sup> Nilaza mialoha aho fa tsy ho ela izy ireo dia hivoaka miaraka amin'ny iray amin'ireo zavatra ireo, ho ravin'aviavavy iray mihitsy indray izany. Efa nilaza mialoha an'izany aho telopolo taona lasa izay. Hitanareo, faniratsirana iray ho an'ny Baiboly. Hitanareo? Hanao an'izany izy ireo. Fitanjahana ampahibemaso izany.

<sup>111</sup> Ankehitriny, izany ihany no ataon'ny devoly amin'ireo zanak'Andriamanitra amin'izao andro izao. Ary marina izany. Diniho ny asantsika. Ny ankamaroan'ny asantsika dia fehezin'ny vehivavy, ny maro amin'izy ireo. Marina izany. Jereo ireo fiangonantsika, jereo ny firenentsika, toy ny ahoana no iondrehan'ireo zanakalahin'Andriamanitra eo amin'ilay toeramasin'ireo zavatra ireo, ireo vehivavy. Fa, izy ireo, amiko, izany dia tsy inona fa mpivarotena ampahibemaso. Zavatra mampatahotra iray ho lazaina izany, saingy izany no marina abaribary. Fantattro fa ireo olona izay mandre an'ireto horonam-peo sy ny sisa ireto, dia hilaza an'ireo zavatra ireo. Saingy ahoana no ahafahanareo hanao an'izany? Raha mampiseho ny tenanareo tahaka an'izany ianareo, ka mijery anareo ny lehilahy, dia Jesosy no nilaza fa ianareo dia efa "nijangajanga" taminy. Ary rehefa tsy maintsy hamaly noho ny fijangajangana io lehilahy io, dia iza no nanao an'ilay izy, an'iza ny fahadisoana? Izany dia ilay vehivavy izay nampitanjaka ny tenany tahaka an'io ary namoaka ny tenany, na nampiseho ny tenany teo anoloan'io mpanota io. Marina izany. Famantarana ny inona izany? Ilay andro farany, ilay jiro mena.

<sup>112</sup> Rava ny maha-mpianaka. Rava ireo firenena. Ankehitriny raha tianareo ny hahita hoe aiza no nilazan'i Jesosy an'izany, dia vakio ny Matio 5:28. Ao no misy an'izany. Ny fiainam-behivavy no antony sy endriky ny fahalavoana, ambonin'izany, ny fahefana ara-pananahana no fandringanana. Raha tianareo ny hanamarika, dia ireto misy firenena sasany izay nomarihako ny fahalavoany. Ny anankiray dia Egypta, Asyria, Roma, ary inona koa, lavon'ny fahefan'ny vehivavy.

<sup>113</sup> Mariho, tsy misy na inona na inona azon'Andriamanitra omena ny lehilahy iray, ankoatry ny famonjena, tsara kokoa noho ny vady tsara iray. Tsy misy lehilahy afaka hampionona, tsy misy—tsy misy olona afaka hampionona olona iray rehefa reraka

izy ireo, tsy hahatoky na iza na iza tahaka ny hahatokisany ny vadiny manokana izy ireo. Ary zavatra ambinina iray toy ny inona moa ianareo rahalahy raha manana vady tsara kely iray ianareo izay madio sy marina, ary mendrika, ka afaka miditra ianareo rehefa reraka sy vizaka, ary hipetraka ka afaka miresaka aminareo izy. Izy no afaka manao betsaka aminareo mihoatra noho ny olon-kafa. Marina izany. Firavaka iray izy. Mpanjakavavy iray izy.

<sup>114</sup> Fa tsarovy, “Ny vehivavy no natao ho an’ny lehilahy; fa tsy ny lehilahy no natao ho an’ny vehivavy.” Ny famoronana farany izay hany noforonin’Andriamanitra dia ny lehilahy. Ny vehivavy dia vokatra notsoahina avy tao amin’ny lehilahy. “Ary natao ho an’ny lehilahy izy; fa tsy ny lehilahy no natao ho an’ny vehivavy.” Navadik’izy ireo izany, ka lavo teo amin’ilay toera-masin’ny vehivavy ny lehilahy. Izany ilay tena zavatra izay nanomboka tany amin’ny voalohany. Izany no nitranga tany amin’ny voalohany. Rehefa ilay zanakalahin’Andriamanitra, Adama, no tsy azo nalaim-panahy hanao an’izay ratsy, dia niditra tao amin’ny olona iray nantsoina hoe ny menarana i Satana, izay nitovy tamin’ny lehilahy iray. Ary teo no nanombobany, ka nivoaka avy tao ambadiky ny Tenin’Andriamanitra i Eva, ary izany no niteraka ny aretim-po rehetra, ny tanim-pasana rehetra. Ny ota rehetra izay hany natao, dia nanomboka teo mihitsy.

<sup>115</sup> Indro eto indray ilay izy. Inona? Ireo vehivavy no anton’ny fahalavoana voalohany, ary ireo vehivavy no mamarana ny fotoana. Izy no nanomboka an’izany; izy no mamarana an’izany. Tsy mahagaga raha hoy ny Baiboly hoe, “Ireo izay afanandositra avy tao Ziona no ho be voninahitra eo imason’ny Tompo.”

<sup>116</sup> Fa Isaia 5, niresaka izy ny amin’ny hoe ahoana no hidiran’ireo tsi-fahamendrehan’ny vehivavy amin’ny andro farany, ary hanao ahoana izy ireo: ireo akanjo marobe izay tsy maintsy hananan’izy ireo, sy hoe ahoana no tsy maintsy hanaovan’izy ireo ny taovolony, ary ny zavatra rehetra tahaka an’izany. Miresaka an’izany ny Baiboly, Isaia 5. “Ahoana no hamindrany miaraka amin’ny kiraro avo vodi-tongotra, mampikorintsandrantsana ny tongony raha mandeha izy. Ary hahorony ireo ban-kirarony, sy ireo zavatra izay hataony; ary zavatra fisoloana maro, fitafiana, sy ny karazany tahaka an’izany.” Ary hoy izy, “Izany rehetra izany dia ho esorina aminy, ary hipetraka izy ka ho maimbo, noho ny tsi-fahamendrehana.” Ary hoy izy, aza hoe, “Vehivavy fito no hihazona lehilahy iray, ka hanao hoe, ‘Hanao ny asanay manokana izahay. Avelao fotsiny izahay hitondra ny anaranao, mba hanaisotra ny henatray.’”

<sup>117</sup> Fa hoy izy hoe, “Ho be voninahitra toy ny ahoana ilay sampana kely izay afa-miala amin’ireo zavatra rehetra ireo! Izany dia ho ‘MASINA HO AN’NY TOMPO’ amin’izany andro izany,” rehefa mahafantatra ny toerany ireo vehivavy tena izy

nateraka indray, na dia esoina aza izy ireo, ka antsoina hoe adala sy ntaolo, sy ny sisa. Fa, manaova toy ny vehivavy iray, toy ny ramatoa iray! Mijoroa toy ny vehivavy iray! Miakanjoa toy ny vehivavy iray! Miresaha toy ny vehivavy iray! Miainà toy ny ramatoa iray. Hia. Amena, izany dia midika hoe, “ho tanteraka anie izany.” Aza matahotra. Tsy mandratra anareo izany. Eny àry.

<sup>118</sup> Ny Tenin’i Jesosy Manokana no nilaza an’izay hitranga, ilay fampisehoana lehibe.

<sup>119</sup> Nilaza koa Izy hoe, “Tamin’ny andron’i Lota.” Raha tianareo ny handray naoty an’izany Soratra izany, izany dia—izany dia ny Lioka 17:28. Hoy Izy hoe, “Nihinana izy ireo, nisotro. Nividy izy ireo. Nivarotra izy ireo.” Amin’ny mahazatra, dia zavatra aradàlana ireo. Saingy diniho. Ary—ary izy ireo nisahana an’izany, saingy izy ireo dia nametraka ny rehetra...ny fisainany teo amin’izany.

<sup>120</sup> Ary tamin’ny andron’i Lota, dia tena nalemy loatra ireo vehivavy, teo amin’ireo fitondran-tenany, hany izy ireo ka tsy nampiasaina arak’izay tokony haha-vehivavy azy izy ireo, fa simba izy ireo, hany izy ireo ka...Lasa efa mahazatra ilay izy, ireo vehivavy dia lasa efa tena mahazatra ka, izy ireo—izy ireo, ny lehilahy dia niara-niaina tamin’ny lehilahy. Ilay fampifamadihana ara-nofo tao amin’ireo selam-pananahana dia nanova ny toerany, satria ireo vehivavy dia lasa tena mora.

<sup>121</sup> Andro vitsy lasa aho izay no tany, Tucson, nandeha mba hividy mofo. Ary nisy zazalahy iray nipetraka teo, ary zazalahy kely roa tao anatin’ny fiara. Niditra ilay iray hafa, nividy sigara iray fonosana. Nijery ilay lehilahy antitra fotsy volo mihaja, nanao hoe, “Ho an’iza ireto sigara ireto, an’ny reninareo?”

Hoy izy, “Tsia, ho an’itsy zazalahy itsy.”

Hoy izy hoe, “Efa ampy taona ve izy mba hahazo azy ireo?”

Hoy izy, “Eny, tompoko.”

Nitodika tahaka an’izao izy. Ary nijoro aho niaraka tamin’ny mofo iray sy ronono fahefany, nandinika. Dia lasa izy, nanao hoe, “Eny àry,” dia nomeny azy ilay izy.

Nitodika taty amiko izy, ka nanao hoe, “Misalasala ny amin’izany aho.”

<sup>122</sup> Hoy aho hoe, “Mety tsy ampy taona hanao an’izany izy. Izy dia tena... Tsy mbola tena ampy taona mihitsy izy.”

Hoy izy hoe, “Miombon-kevitra amino aho.” Hoy izy, “Ianao ve—ianaو ve manana fotoana sarotra niezahana hijanona amin’izy ireny?”

<sup>123</sup> Hoy aho hoe, “Tsy mbola nanomboka an’izy ireny mihitsy aho.” Hoy aho hoe, “Tsy mbola nanomboka an’izany mihitsy aho.” Hoy aho hoe, “Ireo raiamandreniko no nifoka ary nampiasa

paraky, fa ny Tompo Andriamanitra no nitahiry ahy tsy hanao an'izany."

<sup>124</sup> Nitodika izy ary njery ahy toy ny hafahafa kely, ary hoy izy hoe, "Eny, heveriko fa tena henatra lò iray izany amin'izao andro izao, ny mahita hoe ahoana . . ." Hoy izy, "Taloha, isika dia nametraka an'ireo vehivavy teo amin'ny vodiandry iray." Hoy izy, "Nanome voninahitra azy isika. Nesorintsika ny satrotsika teo amin'ny fanatrehany. Rehefa nandeha teny an-dàlambe isika, ka nandre olona anankiray nanao fanamarihana mikasika ny vehivavy iray ireo lehilahy mihaja, dia ho nasiany tahamaina izy." Hitanareo? Dia hoy izy, "Nomen'izy ireo voninahitra ny vehivavy." Saingy hoy izy hoe, "Tompoko, ireo vehivavy ihany no nitondra an'izany teo amin'ny tenany." Hoy izy, "Ankehitriny dia tsy mitsangana izy ireo. Nitsangana izy ireo taloha; tao anatin'ny fiara fitaterana iray, raha nitsangana ny ramatoa iray, ny lehilahy rehetra dia nanala ny satrony ary namela azy hipetraka." Hoy izy "Ankehitriny dia mifanosika izany, misisika!" Hoy izy, "Izy ireo ihany no nitondra an'izany ho an'ny tenany." Ary izany no fahamarinana.

Ilay lavaky ny devolin'ny Hollywood any no namokatra an'izany teo amin'ireo televiziona sy magazina, hany ilay zavatra ka lasa daban-doto goavana be iray. Marina izany.

<sup>125</sup> Fantatro fa tsy ho filazana malaza izany, saingy izany no filazana marina iray. Izany no Fahamarinana. Izany no Tenin'ny Tompo, ary koa famantarana fampitandremana iray fa ho tonga ao amin'ity taranaka ity Kristy. Hoy Izy, "Ireo izay mahita an'io hiseho, dia tsy ho lany mandra-pahatanterak'ireo zavatra rehetra ireo." Hoy Izy, "Ny lanitra sy ny tany ho levona, fa ny Teniko tsy ho levona mihitsy." Fampitandremana iray izany. Mipiaapiaka ilay jiro mena; mampidina an'ilay lamban'efitra. Eo amin'ny andro farany isika izao.

<sup>126</sup> Hitantsika ireo famantaran'ny Tompo Jesosy izay manasitrana ny marary, manangana ny maty, mandroaka an'ireo fanahy ratsy. Hitantsika ireo—ireo olona nohamasinina sy masina, tamin'ny alàlan'ny Fanahy Masina. Hitantsika ireo fiainana novàna. Hitantsika ireo famantarana lehibe. Hitantsika ireo famantarana mahagaga eny amin'ny lanitra, toy ireo zavarobibory misidina. Ny Pentagone, maro amin'ireo olona no mametraka an'izany eo amin'ny televiziona, manoratra an'izany. Tsy fantatr'izy ireo hoe inona no iheverana an'izany. Ireo karazam-pamantarana mahagaga! Ny Tompo Jesosy izay midina ao amin'ny endrika Andry Afo iray, naka ny Sariny, velona eo anivontsika, manaporofo fa Izy no tsy miova oma- . . .

<sup>127</sup> Hitantsika ireo zavatra rehetra ireo fa mitranga. Hitantsika ny fangatsiahan'ny fiangonana. Hitantsika ireo anaram-piangonana fa mitombo. "Rehefa hitanareo ny aviavy, sy ireo hazo hafa fa mamoaka an'ireo tsimony," ireo Jiosy izay miverina.

“Ny aviavy,” ireo Jiosy miverina ao amin’ny fireneny, ny fireneny manokana. Hitantsika ireo Presbyterana, ireo Metodista, ireo Batista, ny Loterana, ireo Pentekotista, ny fiangonana rehetra, “mamoaka ny raviny,” *fifohazana*. Hoy Izzy hoe, “Mivonònà! Izany ilay fotoana.” Rehefa hitantsika fa miseho izany, dia amin’izany Andriamanitra no miomana hiantso ny Voafidiny. Amin’izay fotoana izay ianareo rehefa . . .

Famantarana iray hafa. Hoy Izzy, “Rehefa hitanareo fa manomboka lasa tena tsara tarehy loatra ny vehivavy, rehefa hitanareo fa naka azy ho vady ireo zanakalahin’Andriamanitra, ary maka vady azy ireo, ka manao an’ity, *itsy*, na ny *hafa*,” hoy Izzy, “dia fantaro fa izany ilay famantarana.” Eo isika izao.

<sup>128</sup> Ankehitriny, zavatra hafa anankiray izay noraisiko naoty. Tsarovy ireo zanakavavin’i Lota anankiroa. Eny, tsaroantsika izany, tao amin’ilay tanànan’i Sodoma. Jesosy no milaza eto, ao amin’ny Lioka 17 hoe, “Tahaka ny tamin’ny andron’i Sodoma.” Tsarovy, fa, ireo lehilahy dia nanova ny fanao tamin’ireo vehivavy tamin’ny fomba iray hany ka ilay fombampiainana ara-boajanahary dia tsy niriana intsony. Ary, oh, mampahatahotra ny milaza an’izany avy ety amin’ny lampihazo, saingy izany dia . . . Raha nisy ny tena Fahamarinana, dia tokony handeha avy eto izany. Ary tena ratsy tokoa ilay izy, amin’izao andro izao, hany ka misy folo tapitrisa amin’izy ireo, eo amin’ilay fitomboana hatraiza hatraiza, fanimbana, ireo Sodomita, tahaka ny tamin’izany andro izany. Satria ilay fanao ara-boajanaharin’ny fiainan’olombelona mba hampitomboana taranaka eto ambonin’ny tany dia tena nilaozana, ary tena nandeha tany amin’ny lâlana nandehanany, hany ka ny faniriana an’izany dia mihamalemy haingana. Hataoko hoe, ao anatin’ny folo na dimy ambin’ny folo taona manaraka dia ho lasa izany, saiky, amin’ny fomba fitomboany ankehitriny.

<sup>129</sup> Fanamarihana lehibe. Nanana zavatra iray aho avy tamin’i Edgar Hoover eo amin’izany, saingy tsy fantattro . . . Nihevitra aho fa nanana an’izany nipetraka teto, saingy tsy ananako, ny amin’izay nolazainy mikasika an’izany. Ary ankehitriny dia hitantsika ireo zavatra ireo. Oh, oadray!

<sup>130</sup> Joda, ao amin’ny Boky keliny, lehibe, izany no iantsoako azy, ao amin’ny andininny faha-7, ndao vakiantsika fotsiny izany. Tiako ny hamaky an’ity. Joda, ao amin’ny faha-7. Ity no Boky farany alohan’ny Bokin’ny Apokalypsy. Noraisiko naoty eto izany, Joda 7, andininny 7. Manao an’ireo voadim-panambadiany ny lehilahy sy ny vehivavy, mandrava azy ireny, dia manaraka nofo hafa iray! Henoy.

. . . ary *toy izany koa i Sodoma sy Gomora, sy ireo tanàna nanodidina azy tahaka an’izany, nanolotra ny tenany tamin’ny fijangajangana, . . . nanaraka nofo hafa, . . .* (Hitanareo? Oh.) *fijangajangana, nanaraka*

*nofo hafa, dia napetraka ho ohatra, amin'ny fiaretany, sy valifaty, ary afo mandrakizay.* (Izany hoe, ho levonina tanteraka ary ho foana.)

<sup>131</sup> Teto fotoana vitsy lasa izay, tao Los Angeles, niandry aho, na tao amin'ireo toeram-pilasiana. Namily fiara teny an-dàlana aho. Ary ny—ny ramatoa kely iray, zazavavy kely tsara tarehy iray, tena tsara tarehy, no nandeha teny an-dàlana. Ary nieritreritra aho hoe, “Tsy maintsy handeha any amin'ny fampisehoana iray izy.” Ary nanao akanjo tapaka kely iray izy, teo amin’ny—teo amin’ny enina na valo inches fotsiny ny sakany teo anoloany, ary nisy sisiny kely telo na efatra inch nihantona. Ary teo ambonin’ny vatany, dia zavatra kely iray, saiky zara raha azonareo fihinina sy afenina fotsiny ao anatin’ny totohondrinareo ny tsirairay amin’izany, nihantona teo aminy tahaka an’izao. Niaraka tamin’ny satroky ny mpiandry omby iray teny aminy, ary kiraro lava nisy haingony teo aminy. Ary tena manintona iray, toy ny hitako ny nanitsahan’ny tovolahy rehetra ny fampijanonana ny fiara sy ny sisa, mba hijanona teo aminy, niolanolana teo amin'ilay lâlana.

<sup>132</sup> Ary niomana ny hihodina ho any amin'ilay toeram-pilasiana aho, ka nandeha nankany amin'ireo toeram-pilasiana. Ary nanomboka nihodina aho, mba hiverina. Nieritreritra aho fa hijanona, hanao hoe, “Ry ramatoa tanora, maniry ny hiresaka aminao amin’ny Anaran’i Jesosy Kristy Tompontsika aho. Na dia zazavavy tsara tarehy aza ianao, tsy isalasalana ny amin’izany, na dia manana endrika aza ianao izay... Angamba, ianao—ianao dia te-hihaino an'ireo fikiakan’ny fampijanonana fiara. Fantatrao ve fa ilay fanahy izay manao anao hanao an’izany dia hitarika anao ho an’ny helon’ny devoly izay hijalianao mandritry ny taona izay ho avy? Fantatrao ve fa io vatana tsara tarehy, voamboatra kely io, ary ireo tava sy volo tsara voatra ireo, sy ny sisa, ary ireo molotra mena, angamba ao anatin’ny—ao anatin’ny enim-bolana manaraka dia ireo kankana no handadilady hivoaka sy miditra eo amin’io vatana voamboatra tsara io, ao anatin’ity vovoka eto ity? Ary io fanahy izay mitoetra ao anatin’ao io, androany, dia ho ao amin’ny fampijalian’ny devoly.”

<sup>133</sup> Tamin’izay fotoana izay dia nisy zavatra iray nampijanona ahy, toy ny hoe Andriamanitra no nanao hoe, “Raha manao an’izany ianao, dia hanidy anao any am-ponja izy ireo.” Hitanareo? Eo ianareo izao. Tamin’izay fotoana izay dia hitako i Billy tonga ary nanao fihetsika hoe, fotoana hahatongavana izao. Nandre azy ireo nihira ny *Minoa Fotsiny* aho.

<sup>134</sup> Oh, oadray! Ahoana no ahafahan’ny olona ho voan’ny mosavy ao anatin’ny karazan-javatra tahaka an’izany? Satria tsy miraharaha ny Tenin’Andriamanitra izy ireo.

<sup>135</sup> Ary zavatra hafa iray, dia ireo mpitoriteny aorian'ilay lampihazo, izay mikambana amin'ireo rafi-pandaminana ireo, izay mamaky an'Ity sy mahafantatra Azy, no voarara tsy hilaza na inona na inona momba Azy, satria dia hitarika an'ireo fiangonany hanalavitra an'izany izy ireo amin'izany fotoana izany. Ary ireo fiangonana dia mitady mpikambana. Fa Andriamanitra dia mitady an'ireo masin'Andriamanitra velona nateraka indray, izay hamiratra toy ny kintana. Andriamanitra anie hanampy antsika mba hahitsy fo ka hiteny ny Fahamarinana, izay nolazain'i Jesosy Kristy. Fa izany ilay andro izay iainantsika. Izany ireo famantarana izay nolazain'i Jesosy fa hisy, ary hitantsika eo anoloantsika mihitsy izany.

<sup>136</sup> Jereo ankehitriny, ary Joda ny andininny faha-7 indray, "Sodoma sy Gomora." Oh, oadray, zavatra iray mampahatahotra toy ny ahoana! Tsy manambady vehivavy, "manaraka nofo hafa." Ny lehilahy iray izay manambady ny vadiny, izy ireo dia—izy ireo dia tsy roa intsony, iray izy ireo. Ary ny lehilahy iray izay manaraka vehivavy hafa iray, dia mampisaraka ho azy ny tenany amin'ny vadiny izy. Ary ny vehivavy izay mivoaka miaraka amin'ny lehilahy hafa iray, dia efa maty izy ho an'ny vadiny. Mandà nynofony manokana izy; nisaraka taminy izy. Marina izany. Amin'ny Andron'ny Fitsarana, dia tsy maintsy hamaly ny amin'izany isika.

<sup>137</sup> Fa amin'izao andro izao dia tsy te-hihaino Hafatra iray tahaka an'izany izy ireo. Tsy te-hihaino an'Izany ny olona. Te-ho kitikitihina izy ireo eo amin'ny sofiny. Izany marina tokoa no nolazain'ny Fanahy Masina tamiko tamin'ny andro izay nametrahako an'ilay vato fehizoro teo, nilaza mba:

*Hitory ny teny; mazotoa na amin'ny fotoana, na tsy amin'ny fotoana;...*

*Fa ho avy ny andro izay tsy hahazakan'izy ireo ny foto-pampianarana madio; fa hanaraka ny filany manokana dia... hamory ho an'ny tenany miaraka amin'ireo mpampianatra, mangidihidy sofina;*

*Ary... dia hivily hiala amin'ny fahamarinana, ho amin'ireo angano.*

Hoy Izy, "Rehefa miala ny fahitana, dia vakio ny Timoty Faharoa 4." Hoy Izy, "Aza adino, Timoty Faharoa 4!" Ary rehefa niala tamiko ilay fahitana, nijoro teo amin'ny Lâlambe faha-7 aho, tovolahy iray sivy ambin'ny folo taona aho no nijoro teo, niteny tao amin'ny efitra ilay Feon'Andriamanitra, ary hoy Izy hoe, "Timoty Faharoa 4." Lasa izany marina tokoa ilay izy. Hitanareo? "Ho avy ny andro izay tsy hahazakan'izy ireo ny foto-pampianarana madio."

<sup>138</sup> Mila zavatra iray ny olona. Ireo Pentekotista dia mila zavatra iray izay afaka mikapokapoka azy ireo ao amin'ny lamosina, ka mamela azy ireo hiaina amin'ny fomba izay tian'izy ireo. Ary

afaka mitendry piano amin'ny ban-kira efapolo isan-tsegondra izy ireo, dia mitsambikina ambony-sy-ambany, ary mandihy amin'izany; ka ireo vehivavy dia manao ny fanao izay tiany, ary mitovy amin'izany ny lehilahy. Ny Presbyterana, Metodista, Loterana, ary Batista, misy olona tso-po maro ao amin'ireo rafipandaminana rehetra ireo. Tena marina tokoa izany. Saingy ilay rafitra no tena namatotra azy ireo, hany izy ireo ka mihevitra fa raha mbola mikambana amin'ny fiangonana foana izy ireo, ka eo amin'ireo boky ny anarany, dia vonona ho an'ny Lanitra izy ireo. Ny anaranareo eo amin'ny boky iray eto an-tany eto dia tsy midika an'izao amin'Andriamanitra. [Manapoaka ny rantsantänany Rahalahy Branham—Mpand.] Ny anaranareo dia tokony ho voasoratra ao amin'ny Bokin'ny Fiainan'ny Zanak'ondry, tamin'ny alàlan'ny Ràn'i Jesosy Kristy, mba ho voavela ny otanareo. Marina izany.

<sup>139</sup> Fa izany karazana izany no tian'izy ireo. Izany ilay karazana pasitera tian'izy ireo. Tsy mila na inona na inona hafa izy ireo. Nefa dia Andriamanitra no nanetsika ny fanomezam-pahasoavana Masina rehetra izay voatondro ao amin'ny Baiboly amin'izao andro farany izao, ny fanomezam-pahasoavana rehetra izay nampanantenain'i Jesosy Kristy, ny fanomezam-pahasoavana rehetra, sy ny famantarana rehetra, ary ny famantarana'ny andro farany rehetra. Ny zavatra rehetra izay nampanantenaina ao amin'ity Baiboly ity, raha araka ny hitako, ny tenako, dia efa nahetsika eo anatrehan'ny firenena, nefá izy dia mitsoraka mankany amin'ny helo haingana arak'izay azony handehanana. Hiteny amin'izy ireo ve? Hanohy izy ireo, na ahoana na ahoana.

Mamelà ahy haka Soratra vitsivitsy amboniny fotsiny eto alohan'ny hamaranana. Eny àry. Oh, “Voalahatra ho an'ny fandravana Mandrakizay,” izany izy ireo, hoy ny Baiboly.

<sup>140</sup> Ity firenena ity dia mipetraka ao anatin'io lò iray io ihany. Io fahalòvan'ny ara-tsosialy iray io ihany, mipetraka ao anatin'izany ity firenena ity izao hariva izao. Fantatrareo izany. Tsy vazivazy izany. Tsy honohono izany. Izany no Fahamarinana. Genesisy 6:12, “Simba ny nofo rehetra, mandeha any amin'ny lâlany manokana ny olona,” amin'ny eritreriny manokana, minia tsy mahalala an'ireo lalànan'Andriamanitra. Izany no fomba ataon'ny olona amin'izao andro izao. Tsy te-hihaino ny Tenin'Andriamanitra ny olona. Tsy te-hihaino an'Izany ireo olona. Te-handeha amin'ny lâlany manokana izy ireo.

<sup>141</sup> Nandà ny hihaino ny Tenin'ny Tompo i Jezebel. Tsy te-hiantso an'ilay mpitoky teny antitra misarakorako endrika izy, Elia, ho pasiterany. Fa izy no pasiterany, na ahoana na ahoana. Marina. Andriamanitra no naniraka azy, ary nataony mafy be ny hafany. Na dia tsy nianatra aza, tsy fantatr'izy ireo na avy taizza izy na handeha ho aiza. Tonga teo amin'ny sehatra izy niaraka tamin'ny Tenin'ny Tompo. Nandefy ny hafany izy, izay notoriandy,

ary nomelohiny ny zavatra rehetra izay nisy, nantsoina hoe ota. Fa, ilay Jezebela moderina, no nanodina sy namosavy ny olona teo ambanin'ilay mosavin'ny heriny hany ka simba ilay firenena manontolo, ary nitoetra irery tany amin'ilay tendrombohitra i Elia. Hoy Andriamanitra hoe, "Elia, aza mieritreritra an'izany. Manana fito arivo Aho any izay marina ao am-pony, na izany aza." Izany no sintona faharoany, ary ilay fahatelo, dia nanaraka azy ireo.

<sup>142</sup> Fa tsarovy, namindra fo Andriamanitra, ary Izy—Izy... Ary ny hafatr'i Elia dia nanameloka an'io taranaka tsy mino io. Ny hafatr'i Noa dia nanameloka an'io taranaka io, ary nitondra fitsarana teo amin'ireo izay nandà ny hihaino azy, ary fanafahana ho an'ireo izay nino azy. "Ary tahaka ny tamin'ny andron'i Noa, dia ho toy izany koa amin'ny fihavian'ny Zanak'olona."

<sup>143</sup> Genesisy 6, minia tsy mahalala an'ireo lalànan'Andriamanitra! Hoy izy ireo hoe, "Lalànan'Andriamanitra?" Ny Tenin'Andriamanitra no milaza, androany, fa, ao amin'ny Baiboly...

Ankehitriny henoy, tsy milaza an'izao ho an'ny olona iray manokana aho. Izaho dia tompon'andraikitra fotsiny ihany, amin'ny maha-rahalahinareo. Tompon'andraikitra aho ny hilaza aminareo ny Fahamarinana manontolo, tahaka ny nolazain'ilay Masindahy Paoly lehibe talohan'ny nialany hoe, "Tsy niahotra aho nanambara taminareo ny toro-hevitr'Andriamanitra manontolo."

<sup>144</sup> Ankehitriny, ny Baiboly no milaza, androany, fa tsy tokony hanapaka ny volony ireo vehivavy. Tsy ahoako na mpitory teny firy no milaza fa mety tsara daholo izany; diso izany. Tsy ahoako na fiangonana firy no hanohana an'izany; ny Baiboly dia mbola milaza foana fa diso izany. "Henatra ho azy ny manao an'izany." Saingy mitohy manao an'izany izy ireo, na ahoana na ahoana, manohy. Inona no ataon'izy ireo? Ao amin'ny sainy manokana, manao ny tenany ho tsara tarehy, dia mihevitra izy ireo fa tsara tarehy izy ireo.

<sup>145</sup> Ny Tenin'Andriamanitra no mampitandrina, fa tsy mahazo manao an'ireo zavatra ireo izy. "Tsy mahazo manao fitafiana, na pataloха, na zavatra iray izay an-dehilahy izy ireo," saingy manohy mihitsy tahaka an'izany fotsiny izy ireo. Manandràma misakana azy.

Hoy ianareo, "Inona àry no hivazavazanao mikasika an'izany, Rahalahy Branham? Maninona ianao no manohy? Nahoana, ny olona dia tia anao tsaratsara kokoa raha ianao no..." Tsy ahoako, izany. Izay heverin'ny olona no ahoako. Ankehitriny aza diso fandray ahy. Fa izay heverin'Andriamanitra no mahaliana ahy, ary *Ity* no Teniny.

Hia, raha miteny aminy ianareo hoe ratsy ny manao an'izany, dia handroso mihitsy izy ary hanao an'ilay izy, na ahoana na ahoana. Hitanareo? Nahoana? Ireo vehivavy ao amin'ny fikambanana Kristiana rehetra dia manao an'ireo zavatra ireo, ary toa tsy miraharaha na inona na inona mikasika an'izany ny fiangonana. Nahoana izany? Lavo tamin'ny fitsiriritana nofo sy ràm-behivavy ireo zanakalahin'Andriamanitra, ka nandà an'ilay tena Andriamanitra sy ny Rà izay nividy azy ireo, mba hanasaraka azy ireo amin'ireo zavatra maloto ireo. Amena. Izany no Fahamarinana. Koa ampio aho Andriamanitra, izany no Fahamarinana.

<sup>146</sup> Manandrama misakana azy. Mihevitra ve ianareo fa ny toritenin'i Noa dia nanana fisakanana iray? Tsia, tompoko. Fa inona ilay izy? Feo iray izany, ilay Feo. Ary rehefa antsoina ho any amin'ny Fitsarana isika rehetra, dia ilay tena Hafatra izay toriako mihitsy, izao hariva izao, no hihaona amiko mihitsy any, Teny isaky ny Teny. Ary inona no hataantsika amin'izany fotoana izany?

<sup>147</sup> Jiro mena miapiapiaka iray izany, izy ireo dia niaraka tamin'ny fotoana, fahamafisan-doha teo anivon'ireo vehivavy. Isika dia handeha... Hametraka an'izao fotsiny isika, noho ity maha-vehivavy ity. Ary manontany ianareo hoe nahoana aho no mivazavaza foana mikasika an'izany. Ankehitriny aho dia hametraka, haka maro—maro amin'ireo Soratra izay voasoratra eto alohan'ny hamaranana, ary haneho aminareo hoe nahoana. Ary izany no antony tsy maintsy hijanonako marina amin'ity Teny ity, ary ny mpanompon'Andriamanitra rehetra dia tokony hijanona marina amin'ny Teny. Tsy maintsy mijanona ianareo, satria tsy maintsy hisy feo iray any ho any hiantsoantso manohitra an'izany. Tsy ahoako izay ataon'ny sisa amin'izy ireo; tsy tompon'andraikitra amin'izy ireo ianareo. Hamaly amin'ny maha-isam-batan'olona ianareo. Tsy hamaly amin'ny maha-Metodista iray ianareo, tsy hamaly amin'ny maha-Batista iray ianareo, na Pentekotista iray. Hamaly amin'ny maha-isam-batan'olona ianareo, an'Andriamanitra, ho an'ny fiaiananareo manokana.

<sup>148</sup> Ary hitantsika ireo famantarana ireo, ary mbola manohy manao an'izany foana izy ireo. Teneno aminy fa ratsy izany, dia jereo izay lazainy. Mafy loha! Izany marina tokoa no nataoni'i Eva. Nahafantatra tsaratsara kokoa noho ny nanao an'izany i Eva. Nanao ve izy? Nanana ny Tenin'Andriamanitra izy. Hoy Izy, "Ny andro izay ihanananao an'izany, dia ho faty ianao." Eny, nahoana izy no nanao an'izany? Ny fombany manokana no tiany. Ary nahoana no hanapaka ny volony ireo vehivavy; nahoana no manao an'ireny akanjo ireny ireo vehivavy, nefy ny Baiboly no milaza fa izany marina mihitsy no noheverina fa hataon'izy ireo? Ary ilay zavatra izay ataon'izy ireo, dia voaheloka daholo izy rehetra. Tena marina. Fa maninona izy no

manao an'izany? Manana ny azy manokana izy. Eny, tompoko. Hanana ny fombany manokana izy. Ary tsy miteny na inona na inona mikasika an'izany ny fiangonana. Ary ny fiangonana no natao ho Ampakarin'i Jesosy Kristy, nefà tsy miteny na inona na inona mikasika an'izany.

<sup>149</sup> Teneno mikasika an'izany ny iray amin'izy ireo, fantatrareo ve izay ho lazain'izy ireo? Noho ny filazana hoe, "Tsy Baiboly tranainy no hanakana ny lèlako tsy banana fialam-boly iray." Tena marina tokoa ankehitriny. Lazao azy ireny fa izany no voasoratra ao amin'ny Baiboly. Oh, mety tsy milaza an'ireo teny ireo izy ireo, saingy izany no tian'izy ireo ho lazaina.

Efa mba nandre an'ilay fiteny fahiny ve ianareo hoe, "Miteny mafy lavitra noho ny teny ireo fihetsika"? Eny, amin'izay fotoana izay, sa tsy izany? Miteny mafy lavitra noho ny teny ireo fihetsika. Tsy mampaninona izay lazainareo, ny—ny fiainanareo dia miteny mafy tokoa hany izy ireo ka tsy mety mihaino ny fanambaranareo. Tahaka ny nolazaiko aninkeo maraina, mitsambikina fotsiny avo arak'izay iainanareo. Hitanareo? Ireo fihetsikareo dia miteny mafy lavitra noho ny teninareo. Ary mety mivoaka fotsiny koa ianareo ka miteny an'ilay izy, satria ireo teniny manokana no miteny. Ireo—ireo teninareo, tsy mampaninona na inona na inona ilay izy, ireo fihetsikareo dia miteny an'izay—an'izay maha-izy anareo.

Raha miteny zavatra iray hafa noho ny maha-izy anareo marina ianareo, dia lasa fihatsarambelatsihy ilay izy. Hoy Jesosy hoe, "Ianareo mphiatsaravelatsihy! Ahoana no ahafahanareo milaza zavatra tsara, nefà avy ao amin'ny fo no miteny, avy ao amin'ny fo no itenenan'ny vava?" Hitanareo, nilaza zavatra iray izay tsy tiany ho lazaina izy ireo.

Ary toy izany koa ireo vehivavy, mba hilazana azy, oh, oadray, "Manana ny fialam-boliko manokana aho."

<sup>150</sup> Inona no mitranga? Avy amin'ny fanambadiana... Misy toerana iray hafa eto amin'ny Baiboly eto. Avy ao amin'ny fanambadiana no tonga ilay voady hoe, "mankatò." Hah! Mankatò? Hah! "Mpiandry ao an-tokantrano iray, madio fo, amin'ireo asa tsara."

Ihomehezany eo amin'ny tavanareo ary lasa mandeha mankany amin'ilay fanaovana vanja izy, any amin'ny biraon'ny olona iray. "Ny vadiko..." Hia. Oh, manahy an'izany aho.

Hitanareo ireo tafika amin'izao andro izao, tena henatra iray, dia mametraka vehivavy ao amin'ny tafiky ny polisy. Raha tsy izany no mariky ny—ny faharatsiam-pitondran-tena iray eo anivon'ny tanàna iray! Fa lehilahy maro no tsy manana asa, ary izy ireo dia tsy maintsy hametraka an'ireo vehivavy ireo ao, nefà ny Baiboly dia nilaza fa izy dia tsy maintsy "mijanona ao an-trano ary ho mpiandry madio fo ao an-tokantrano." Saingy izy

no mihazona ny bokin'ny lehibe rehetra, ary ny anareo, ihany koa. Eny. Marina izany.

Tsy miresaka ny amin'ireo vehivavy tsara aho ankehitriny. Tsy manipy an'izao any aminareo vehivavy izay tena vehivavy masina tokoa aho. Andriamanitra hitahy anareo. Ao anatin'ny horonam-peo izao, na aiza na aiza ihany koa.

Fa izaho dia miresaka mikasika ny hoe, raha mahita anankiray tahaka an'izany ianareo, dia mahita dimanjato sy arivo ianareo any amin'ilay lalana iray hafa. Tsy hihaino ny Teny izy ireo. "Tehirizo ny Baibolinao! Torio ho an'ny tenanao Izany. Tsy te-handre an'Izany izahay." Mankatò? Oh!

<sup>151</sup> Mety hiteny an'izao izy hoe, "Lazao any amin'ny olona hafa ny tantaran'ny Baibolinao. Tehirizo ho an'ny olona hafa ny Andriamanitrap, dia avelao aho hipetraka tsara. Inona no hivazavazanao amiko an'izany? Tsy nangataka anao mihitsy aho mba hilaza an'ireo zavatra ireo." Fantattro, saingy Andriamanitra no nilaza. Hitanareo? Noho izany dia izay ihany.

<sup>152</sup> Noho izany dia mbola manimba ny lalany foana izy ireo. Tahaka an'izay nataon'izy ireo tamin'ny andron'ny Tompo mihitsy, tahaka ny nataony tamin'izany andro izany mihitsy, dia toy izany koa no ataon'izy ireo amin'izao andro izao, mitovy mihitsy. Tsy niova izany. Tsy miova izany. Tsy hiova izany.

<sup>153</sup> Farany dia ho tonga eo amin'ireo zanany ny ditran-jatovo. Ny fonja no maka ny ampahany amin'ireo vehivavy sy lehilahy, ary ny helo no maka an'ilay zavatra manontolo, tena marina tokoa izany, farany dia mitelina azy rehetra. Ary ny fitorianteny dia toy ny hoe mandeha any ambonin'ny lamosin'izy ireo. Tsy mihaino an'Izany mihitsy izy ireo. Izy ireo dia banana ny azy manokana... Afaka miteny amin'izy ireo ianareo hoe ny Baiboly dia milaza an'Ity. Hoy izy ireo hoe, "Tehirizo ny Baibolinao. Banana ny fialam-bolinay izahay."

<sup>154</sup> Afaka mandre ny sasany aminareo anabavy aho miteny ankehitriny, angamba tsy hoe izao ankehitriny izao, fa nandre anareo nanao hoe, "Iza, izaho ve no hankatò ny vadiko? Hah! Izaho no manao azy hankatò ahy." Fa eo no mahadiso anareo. "Mijanona ao an-trano, madio fo? Tsy ahoako izay lazain'ny Baiboly mikasika an'izany, avelao aho hipetraka tsara!" Henoy, ranabavy, izany dia tsy tao amin'ny, tany aoriana tao amin'ireo Taona Maizina, izany ilay feon'ny amin'izao andro izao. Izany dia tsy nitranga betsaka mihitsy talohan'ny safo-drano, izany dia mitranga amin'izao andro izao ihany koa. Izany ilay zavatra mitovy.

<sup>155</sup> Milaza indray izy ireo hoe, "Izaho dia vehivavy moderina iray. Mipetraka eto Amerika aho." Eny, izany dia tsy mihoatra ny hoe mipetraka ao anatin'ny tranon-kisoa iray ianareo. Tsy hanao fahasamihafana amin'Andriamanitra mihitsy na kely aza izay nipetraharenareo. Ianareo dia izay maha-izy anareo ao

am-ponareo. Marina izany. Ary aza mihevitra, ranabavy, fa tena moderina ianareeo, hoe ianareeo no iray amin'ireo vehivavy moderina ireo, arak'izay itiavanareo hilazana azy amin'izao andro izao. Avy tany aoriana lavitra be tany ianareeo, arak'ity Baiboly ity, tao amin'ireo taona maizina, tao amin'ilay fotoana talohan'ny safo-drano. Tamin'ny andron'i Noa, tamin'izany no nanaovan'izy ireo an'ilay zavatra mitovy. Noho izany dia tsy tena moderina loatra ianareeo, raha izany, sa tsy izany? Hitanareo? Izany ilay fomba izay nataon'izy ireo tamin'ilay izao tontolo izao talohan'ny safo-drano. Hitanareo? Ary izany no fomba ataon'izy ireo amin'izao andro izao, noho izany dia tsy maintsy ho taona maizina indray ilay izy, miverina any amin'ilay aizina lehibe tany aloha tany.

<sup>156</sup> Ary ianareo lehilahy izay hamela ny vadinareo hanao an'izany, dia tsy zanakalahin'Andriamanitra intsony ianareo. Tsia, karazan'ny latsaka ao Sodoma ianareo, marina izany, mamela an'ireo vehivavy hibaiko anareo. Oh, oadray!

<sup>157</sup> Tsy fantatro na ho lazaina izao na tsia. Tsaratsara kokoa ho ahy ny hamela an'ity ampahany ity. Saingy, eny àry. Mahatsiravina ity, saingy ny rehetra ho an'ity taona izay iainantsika ity. Hitanareo ve ilay jiro mena, mipiapiaka? [Hoy ny fiangonana hoe, "Amena."—Mpand.]

Hitsoka ilay trompetran'ny Tompo, ka tsy hisy  
andro intsony,  
Ary ny maraina dia hiposaka Mandrakizay,  
mamiratra sy mahafinaritra;  
Amin'izay fotoana izay dia hiangona ireo  
Voafidiny (avy ao amin'ny vovoky ny tany) ho  
any an-Tranony any ankoatry ny lanitra.  
Oh, ho andro iray toy ny inona izany! Eny àry. Oh,  
eny!

<sup>158</sup> Miverina any Sodoma. Aza manahy, misy bomba-A iray miandry mba hanadio an'izany rehetra izany, marina izany, hanadio an'izao tontolo rehetra izao. Hanao an'izany io. Ary amin'izay fotoana izay dia havaozina daholo izy rehetra, tahaka ny hitantsika teo ambanin'ny Tombokase Fahlenina, ho an'ny andian'olona navotana iray izay nanaiky ny Tompo Jesosy, izay lasa Kristiana, izay namoy ny fanahiany sy ny lamaodiny avy amin'ity izao tontolo izao ity, ka nanatona an'i Jesosy Kristy, sy miantehitra Aminy ary Aminy irery ihany; ao amin'ny Fandaharany manetry tena, tsotra, mba hanatona sy hino Azy, ary hahazo ny Fiainana Mandrakizay. Ary raha milaza ianareo fa manana ny Fiainana Mandrakizay, nefy tsy miombon-kevitra amin'ity Baiboly ity, ny fiainana mandrakizay anareo dia tsy ilay Fiainana Mandrakizay izay omen'Andriamanitra. Voafitaka ianareo, tamin'ny alàlan'ny fahafatesana, fa tsy avy amin'ny Fiainana. Marina izany.

<sup>159</sup> Ankehitriny, oh, "Matahora an'Andriamanitra ary tandremo ny Teniny, fa izany no didy manontolo." Mipiapiaka ireo jiro mena, ary antomotra ny andro. Tahaka ny tamin'ny andron'i Noa, hitanareo, naka an'ilay zavatra ara-dalàna izy ireo ka namadika an'izany. Nalain'izy ireo ny fihinanana, ary nalain'izy ireo ny fisotroana, ary nalain'izy ireo ny fanaovana fanorenana, ary napetrany ireo zavatra hafa rehetra ireo, dia navadiny izany. Ankehitriny, dia miandry antsika hanorina trano iray Jesosy, hitanareo; saingy jereo izay niseho tao amin'izany. Mihinana, miandry antsika hihinana Izy, marina izany; jereo izay niseho tao amin'izany. Misotro, miandry ny hisotro ny ranontsika isika ary na inona na inona tokony hataontsika; saingy, raha tokony ho izany, dia nentin'izy ireo tao amin'ny fisotroana sy toaka izany, sy ny sisa, sy ireo fisotro mifangaro, mitondra an'ireo vehivaviny ao. Hitanareo?

<sup>160</sup> Ary ahoana ny amin'ny fitomboan'ny mponina, tahaka ny tamin'ny andron'i Noa? Ahoana ny amin'ny hatsarantarehin'ireo vehivavy mitombo tsy an-kitsahatra, miampy ary miampy? Hitanareo? Jiro mena!

Ahoana ny amin'ilay fotoana izay hahatongavan'ireo vehivavy, rehefa hitovy amin'izay na-ha-izy azy izy ireo, "kirina, mpieboebo," sy ny sisa, tsy afaka miteny na inona na inona amin'izy ireo ianareo? Torio amin'izy ireo ny Teny, fa hanohy hanao an'izany mihitsy izy ireo na ahoana na ahoana. Hitanareo?

Inona no hitranga? Tena tahaka ny tamin'ny andron'i Noa marina tokoa. Indray andro any, dia hikatona ilay varavarany'ny famindrampo. Amin'izay fotoana izay dia hoy ny Soratra hoe, "lasa feno setroka ilay toerana masina," ny dikan'izany dia hoe efa niala teo amin'izany ilay Mpanelanelana. Ary raha mbola eo foana ilay Zanak'ondry... Araka ny nolazaiko aninkeo maraina, na tany ho any no nitoriaiko an'izany, fa, raha mbola eo foana ilay Zanak'ondry manao fanelanelanana, dia mbola misy ny famindrampo. Fa antoka inona no ananantsika, rehefa hitantsika fa efa eo amin'ny gara ilay fiaran-dalamby, rehefa hitantsika ny Fihavian'ny Tompo, ny fipiapiakan'ilay jiro?

<sup>161</sup> Ahoana no hahafahako hiteny an'ireo zavatra samihafa raha fantatsika izay Nampanantenainy fa hatao eto amin'ny andro farany, ary hitantsika eo anatrehantsika eto mihitsy izany. Ary avy eo dia hitantsika ity lohahevitra ity izao hariva izao, ny amin'ny jiro mena hafa iray mipiapiaka, ny amin'ny hadalana eo anivon'ireo vehivavintsika, sy ireo zavatra amin'ny fomba nataon'izy ireo. Hitantsika fa izany dia manondro, ny rehetra—ny andry rehetra, ny zavatra rehetra, ny fanjajtra rehetra, ny famantarana avaratra rehetra, dia manondro mahitsy mankany amin'ny Fihaviany. Eo amin'ny farany isika izao. Tsy misy na inona na inona hafa izay fantattro fa hitranga afa-tsysty ny Fihavian'ny Tompo.

<sup>162</sup> Ary amin'izay fotoana izay, ry sakaiza malalako izay any ivelan'i Kristy, dia inona no hiheveranareo an'ity? Ianareo ve miankina fotsiny... Amin-kitsim-po, ry sakaiza, te-hametraka fanontaniana tsotra iray aminareo aho. Ianareo ve miankina fotsiny eo amin'ny fahatsapana iray izay nanananareo, na anankiray, angamba, zavatra iray izay nanananareo? Angamba faly ianareo indray mandeha ka nandihy nanerana ny toerana rehetra, tahaka an'ireo olon'ny fahamasinana maro sy Pentekotista, sy Nazareana, ary Mpivahiny Masina. Izy ireo dia mino fa raha tena sambatra tokoa izy ireo ny mandihy, dia izany no Izy. Nefa avy eo ve dia manapaka ny volonareo, manao sorta? Ny Fanahy Masina ve dia hampanao anareo an'izany, nefo Izy no manameloka an'izany ao amin'ny Baiboly?

<sup>163</sup> Ahoana ny aminareo izay manao hoe, "Eny, mikambana amin'ny fiangonana aho. Pentekotista aho. Metodista aho, na inona koa aho. Mambra iray aho! Ny reniko dia mambra mpanorina an'ilay fiangonana. Izaho dia efa mpikambana mpanorina iray"? Ary ilay tena fanahy izay eo aminareo mihitsy no mamppanao anareo an'ireo zavatra izay melohin'ity Baiboly ity fa hataonareo. Hitanareo?

Hoy ianareo hoe, "Efa niteny tamin'ny fiteny tsy fantatra aho, Rahalahy Branham. Ankehitriny, aza manakana an'izany ianao. Niteny tamin'ny fiteny tsy fantatra aho, ary izany no porofon'ny Fanahy Masina." Raha ny fiainanareo... Raha mbola afaka manapaka ny volonareo foana ianareo, raha mbola afaka manao foana an'ireo zavatra izay lazain'ny Baiboly fa tsy tokony hatao ireo ianareo; afaka miteny amin'ny fiteny tsy fantatra andro aman'alina ianareo, fa mbola tsy misy idiran'izany amin'Andriamanitra foana. Ny hazo dia fantatra amin'ny voany.

<sup>164</sup> Miha-antitra aho. Fantatro izany. Isan'andro dia mahazo faharariana vaovao sy fanaintainana aho. Ny tsirairay avy amintsika dia mahazo. Tokony milaza ny fahamarinana ihany koa ianareo. Nieritreritra aho hoe, "Andriamanitra, aza mamela ahy..."

Ny iray amin'ireo zavatra mampalahelo indrindra, dia ny mahita lehilahy na vehivavy iray izay tsy nanaiky an'i Kristy mihitsy, ka miaina fotsiny ho mambram-piangonana antitra iray miverin-dàlana, ratsy fanahy kokoa noho i Satana izy tenany, ary mahita azy eo, mimenomenona amin'ny zavatra ratsy iray, "Eny, lazaiko anao, izaho dia tsy mino ny..." Andriamanitra, dia tsy... Izany dia—izany dia... Izany no satroboninahitra mampahatahotra indrindra izay azon'i Satana ampisalorana ny fiainana iray. Vehivavy antitra mpitaraina iray, eo amin'ny enimpolo na fitopolo taona eo, miaraka amin'ny tavy mihantona eo ambanin'ny sandriny, sy ireo kentrona manerana ny tavany, ary ny volony tapaka, amin'ny loko efatra na dimy samihafa, ary mampihanjahanja ny tenany amin'ny sorta kely; raha tsy izany

no fampisaloran'i Satana, dia mbola tsy nahita an'izany mihitsy aho, na lehilahy antitra iray mimenomenona.

<sup>165</sup> O Andriamanitra, fantattro fa izaho... Omeo fahasoaavana aho mba tsy hitaraina mihitsy. Ary tiako ny fiainako, Tompo, tiako ny fiainan'ny oloko... Andriamanitra, ekeo mba afaka voaisy satroboninahitra ny fiainanay, tsy mampaninona na miharitra aza izahay, na inona na inona miseho, na firy na firy no hihodina hanohitra ahy.

Izao zavatra anankiray izao no fantattro eo amin'ny fiainako, arakaraky ny maha-antitra ahy, ireo sakaizako, ilay renirano aoriako, dia ho ritra tsy ho ela, hihatery sy hihatery, arakaraky ny andehanako eny amin'ilay lalana. Ary zavatra anankiray no fantattro, izao no hiseho afaka kelikely fa tsy hisy olona hanatona ahy ka hilaza... hangataka hevitra amiko. Ireo izay nahafantatra ahy tamin'ny andron'ny fahatanorako dia ho lasa, raha mbola ho velona aho. Ireo sakaizako dia hihavitsy sy hihavitsy, arakaraky ny maha-antitra ahy ankehitriny.

<sup>166</sup> Ary fantattro fa tsy maintsy ho faty aho indray andro any. Manantena aho fa Andriamanitra dia tsy hamela an'i Satana mihitsy hanisy satroboninahitra ahy amin'ny maha-antitra mimenomenona iray, lehilahy tsy miraika, ary ny vadiko ho vehivavy antitra iray sorisorena, na ny vadinareo, na ianareo ho tahaka an'izany. Mivavaka aho, rahalahy, mba ny fiainantsika anie ho voasalotr'ireo vokatry ny Fanahy; fitiavana, fifaliana, fahari-po, fahalemem-panahy, faharetana, Fahamarinana, finoana, ao amin'ny Fanahy Masina.

<sup>167</sup> Mihamanify ny aiko. Teo amin'ny dimy amby telopolo taona lasa teo izay no nitsanganako teto amin'ity polipitra eto ity, toy ny zazalahy kely iray. Izao hariva izao dia antitra iray aho, fotsy ny volo, ary sola loha, ny soroka vokoka; montsana aho. Mihalasa ny aiko, ary ireo tady izay andehanako dia mihamarefo. Arakaraky ny hidinako eo amin'ilay renirano, dia miha-vitsy ireo sakaizako. Ary afaka kelikely izany dia ho tonga eo amin'ny toerana iray, angamba, ka izaho—izaho dia tsy hankasitraka intsony an'ireo hira tahaka ahy taloha; ary angamba ireo zafikeliko, ireo zanako dia tsy maintsy hanao hoe, "Aza manakorontana an'i dadabe." Mety ho tonga eo amin'izany ilay izy raha velona aho.

<sup>168</sup> Avy eo dia ho tonga hatrany amin'izay tsy hahafahako hiala eo amin'ny sezako intsony aho. Avy eo indray maraina dia hiditra ao amin'ny efitra ny zavona iray, hikopaka ery ampitan'ilay morona aho, an'ny fahafatesana, ho avy haka ahy. Haka ahy amin'ny tanana fotsiny ihany no azony atao ka hitarika ahy hiampita eny amin'ilay Tompoko. Tsy izy no mpitarika andevoko. Tsy andevony aho. Izy no andevoko. Kristy no nandresy ny fahafatesana ho ahy. Ary ny zavatra tokana

azony atao, dia ny mitarika ahy eo amin'ny Fanatrehan'ilay Mpanao ahy, "Rehefa ravàna ity tabernakelin'ny tany ity."

<sup>169</sup> Ny fotoana izay mahavonona ny reny iray hahazo zazakely, voamarikareo, tsy ahoako hoe lozabe toy ny ahoana izy, ary ratsy fanahy toy ny ahoana. Fantatrareo, mialoha kelin'ny hahateraka an'io zazakely io, dia lasa malemy fanahy ilay reny. Nahoana no izany? Rehefa mihendratra sy mitsambikina tahaka an'izany ireo hozatra kely ao anatin'io kibo io, dia misy vatan-danitra iray miandry azy. Ary rehefa mivoaka avy ao amin'ilay reny izy, ilay dokotera na ilay mpampivelona, na iza na iza izy dia tsy maintsy maka azy ary manaitra azy, mikapoka azy, manozongozona azy, na zavatra iray, ary amin'izay fotoana izay izy no mandray an'ilay fofon'aina. Ary miditra ao aminy ireo fanahin'anjely kely, ilay fofon'aina, ary lasa fanahy velona iray izy. Ary rehefa manana an'i Kristy ao am-pontsika isika, ka lasa tena misy i Kristy ao am-pontsika, dia zaza kely iray izany. "Raha ravàna ity tabernakelin'ny tany ity . . ."

<sup>170</sup> Jesosy no nilaza, ao amin'ny Jaona 14. Eto am-pamaranana, dia hilaza an'ity aho. Hoy Izy hoe, "Aza malahelo ny fonareo; raha nino an'Andriamanitra ianareo, dia minoa Ahy. Fa, ao amin'ny Fanjakan'ny Raiko dia misy tabernakely maro. Handeha Aho ka hanamboatra toerana ho anareo." Rehefa ravàna ity tabernakelin'ny tany ity, dia manana anankiray isika. "Handeha Aho ka hanamboatra toerana ho anareo, ka izay misy Ahy, no hisy anareo koa." Izay te-hiaraka Aminy.

<sup>171</sup> Noho izany dia fantatro, fa io ankizy kely io, Kristy, dia niforona tamin'ny alàlan'ny fahateraham-baovao; rehefa tapitra ny fiainana hafa rehetra, lasa ny fiainan'ny mety maty rehetra sy ny zavatra rehetra, amin'izay fotoana izay dia hila zavatra izany hanaitra ahy, ary mila ny fahafatesana izany. Ny fahafatesana no manome anareo an'ilay fanairana, rehefa mandona anareo izany, saingy izany dia miteraka indray anareo fotsiny ao amin'ny Fanjakana iray vaovao, any amin'ilay ilany hafa izay tsy misy aretina, alahelo, tsy misy fahanterana, na inona na inona. Andriamanitra anie hanampy antsika.

<sup>172</sup> Ahoana, ry sakaiza, no ahafahanareo mandà zavatra tahaka an'izany, eo am-pahitana fa tsy misy fanantenana intsony eto amin'izao tontolo izao, any ivelan'i Jesosy Kristy? Mipiapiaka ireo jiro mena.

Rava ireo firenena, mifoha Isiraely,  
 Ireo famantarana izay voalazan'ny Baiboly  
     mialoha; (ireo vehivavy manapaka ny volony,  
     manao sorta; mandeha ilay jiro mena, hitanareo)  
 Voaisa ny andron'ny Jentilisa, miaraka amin'ny  
     tahotra manarona;  
 "Miverena, O ry niely, amin'ny anareo manokana."

Akaiky ny andron'ny fanavotana,  
Raiki-tahotra ny fon'ny olona;  
Aoka ho fenoina ny Fanahy, ataoovy madio sy  
mazava ny fanilonareo,  
Miandrindrà, akaiky ny fanavotana anareo!

<sup>173</sup> Tiako Izy. Tiako ianareo ho tia Azy. Ary raha manondrika ny lohantsika fotoana fohy fotsiny isika, ao amin'ny tonom-bavaka iray, eto am-pamaranana. Mipiapiaka ireo jiro mena. Mandeha ilay fampahafantarana. Antomotra ny Fihavian'ny Tompo. Miteny amin'ireo firenena Izy. Miteny amin'ny olona Izy. Miteny amin'ny alàlan'ireo famantarana sy fahagagana Izy. Rehefa naka an'i Sodoma isika ka naneho hoe ahoana no nahatongavan'ilay Anjely teo amin'i Abrahama, ireo famantarana izay Nataony talohan'ny filatsahan'ilay afo mihitsy, hitantsika izany.

<sup>174</sup> Hoy Izy hoe, “Tamin’ny andron’i Lota, dia nanorina izy ireo, nivarotra izy ireo.” Jereo izany amin’izao andro izao. “Ary tahaka ny andron’i Noa,” ireo vehivavy dia lasa tsara tarehy, lavo ireo zanakalahin’Andriamanitra, ireonofon’olombelona no notompoina tao amin’ny endrika vehivavy, ary ireo zavatra rehetra izay niseho ireo, izay noresahantsika izao hariva izao. Mipiapiaka ilay jiro, antomotra ny Fihavian'ny Tompo. Mbola mambram-piangonana iray fotsiny foana ve ianareo?

Azonareo antoka ve, ry sakaizako? Ahoana no ahafantararanareo fa ho velona hatramin’ny rahalina ianareo? Jereo Rahalahy Way izay nijoro teto aninkeo maraina, tao anatin’ny fotoana fohy, dia nitodika fotsiny mba hifandray tànana tamin’ny olona iray, lavo maty teo amin’ny toerany mihitsy. Mety tsy dia ho tsara fanahy loatra aminareo Andriamanitra ka hanome anareo fanararaotra hafa iray. Tsy fantatrareo hoe amin’ny minitra fahafiry no hanao ny fitempony farany ilay fo. Eritrereto izany.

<sup>175</sup> Manapiapiaka ny famantarany ilay Fihavian’i Kristy. Jereo izy ireo. Jereo raha izay nolazaiko taminareo izao hariva izao... Mety tsy tena halaza izany, saingy izany no Fahamarinana. Izany no nolazain’Andriamanitra, ary eo isika izao.

<sup>176</sup> Tsy te-hijanona ao an-trano ireo vehivavy. Tsy te-hikarakara ny ankohonany izy ireo. Hanakarama mpitaiza zaza izy ireo ary handeha hivoaka ho any amin’ny fety iray any ho any. Ditran-jatovo, ny zavatra rehetra dia miseho; manapaka ny volon’izy ireo, manao sorta, lokontarehy. Ilay fitomboana dia mihatsara tarehy sy mihatsara tarehy. Ny lehilahy, ireo zanakalahin’Andriamanitra, dia lavo. Izany no fandrika ampiasain’i Satana, handavo an’ireo zanakalahin’Andriamanitra ao anatin’izany. Araka ny nolazain’i Jesosy mihitsy, dia tsy maintsy mitranga izany. Izy no nilaza fa ho eo izany, dia indro eto izany. Hoy Izy hoe, “Rehefa miseho ireo zavatra ireo, dia tsy ho foana ity taranaka ity,” ary efapolo

taona izany, "mandra-pahatanterak'ireo zavatra rehetra ireo." Eritrereto izany.

<sup>177</sup> Mbola mambram-piangonana iray fotsiny foana ve ianareo? Nanao ratsy ve ianareo? Jereo ary diniho ny fiainanareo, izao hariva izao, ry lehilahy, ry vehivavy. Jereo ny tenanareo, jereo ny fahadisoanareo manokana. Ahoana moa, amin'izao toetranareo ankehitriny izao, raha teto an-tany i Kristy ka nitory an'izao? Hoy ianareo hoe "Raha—raha teto Izzy, raha nandre Azy nitory an'izany aho, izaho—izaho dia ho nibebaka." Raha hanao ianareo, Ity no Teniny Manokana izao hariva izao, dia hanao an'izany ianareo ankehitriny. Raha tsy manana an'Andriamanitra ianareo, ary fantatrareo....

<sup>178</sup> "Oh," hoy ianareo, "Mikambana amin'ny fiangonana aho. Efa niteny tamin'ny fiteny tsy fantatra aho. Izaho—izaho tsy..." Ankehitriny dia hanaisotra an'izany isika. Jereo ny tenanareo, amarino amin'ny Tenin'Andriamanitra ny fiainanareo ankehitriny. Ianareo ve ilay olona izay handeha ka hanao hoe, "Tsy ahoako izay lazain'ny Baiboly. Rahalahy Branham, heveriko fa diso ianao"? Tsy izaho no diso. Raha misy diso mikasika an'Izany, dia Izany no Teny.

Ary tsy mbola mahafantatra an'Andriamanitra ianareo, ary tsy mbola azonareo antoka hoe raha ho tonga amin'izao ora izao Jesosy dia efa vonona ny handeha ianareo. Nahoana no hilalao ianareo, nefà mahita fa tena akaiky ny fahafatesana, nefà mahita fa tena akaiky ny farany?

<sup>179</sup> Raha misy iray eto, miaraka amin'ny lohanareo miondrika ankehitriny, izay te-ho tsarovana ao amin'ny vavaka raha mamarana isika, hanangana ny tanganareo fotsiny ve ianareo ka hanao hoe, "Rahalahy, mivavaha ho ahy." Andriamanitra hitahy anao, ranabavy. Andriamanitra hitahy anao, rahalahy, ranabavy. Oh, manerana an'ilay tranobe mihitsy.

<sup>180</sup> Izay ilay izy, ndao isika hanao jery todika kely ankehitriny. Ianareo anabavy ankehitriny, miaraka amin'ny finoana sy fanantenana tsara rehetra, eritrereto fotsiny izao. "Tena nankato an'Andriamanitra tokoa ve aho? Raha ny marina, aiza ny faniriako? Rahalahy Branham, izaho—izaho—izaho—izaho dia mbola manao an'ireo zavatra ireo. Izaho—izaho dia mahatsapa ho tsara. Izaho dia mahatsapa ho sambatra."

Fantatrareo ve fa ireo mpanompo sampy dia mahatsapa ho tena sambatra? Fantatrareo ve, fa ny lehilahy mamo lava iray dia tena sambatra, eo ambanin'ny toaka, tahaka anareo, ilay fitarihan'ny toaka? Ary raha sambatra ianareo eo ambanin'ny zavatra iray izay mifanohitra amin'ny Tenin'Andriamanitra, dia ny devoly izany. Raha hoy ianareo hoe, "Afa-po ao amin'ny fiangonako aho," ary mandre ny Tenin'Andriamanitra voatory ianareo, nefà tsy hifanaraka amin'Izany, dia voatsindrimandrin'ny zavatra ratsy ianareo,

tsy mampaninona na inona na inona ilay tsindrimandrinareo. Efa nahita azy ireo nikiakiaka aho, sy nitsambikina ary nihorakoraka, sy—sy ny sisa, ka nisotro rà avy tao amin'ny karandohan-olombelona iray, ary niantso ny devoly, marina izany, tena sambatra noho izay hany naha-izy anareo. Ny fanompoan-tsampy dia mamokatra fahalalana momba ny saina betsaka mihitsy noho ny zavatra hafa rehetra, mpandinika avy amin'ny saina. Fa ny fahatsapana an'i Kristy dia avy ao amin'ny fo, izany no nanova an'ilay vatana manontolo, manova an'ilay olona ho olom-baovao. Eritrereto izany, mafy mihitsy.

<sup>181</sup> Jereo ny tenanareo. Mieritrereta fotsiny fitaratra iray eo anoloanareo, dia jereo ny tenanareo. “Mahitsy fo ve aho? Tso-po ve aho? Izaho tokoa ve, ao am-poko, manompo ny Tompo ve aho?”

<sup>182</sup> Hoy ianareo hoe, “Manompo Azy aho.” Dia jereo, ianareo vehivavy miaraka amin’ny volo tapaka ireo, manao sorta. Jereo ianareo izay manao an’ireo zavatra ireo. Jereo ianareo lehilahy izay mamela ny vadinareo manao an’izany; manova hoe, “Zanakalahin’Andriamanitra iray ve aho? Sodomita iray ve aho?” Ianareo vehivavy manova hoe, “Tena vehivavy iray moderina tokoa ve aho, sa zavatra iray talohan’ny safo-drano izay nolazain’i Jesosy fa ho eto indray amin’ny andro farany aho?” Eritrereto tsara izany. Jereo ny tenanareo.

<sup>183</sup> Hitanareo, ny tenanareo manokana no mampiseho an’izay maha-izy anareo. Ary raha tsy marina ianareo, dia ho tena mahitsy fo fotsiny ve ianareo mba... Aoka hahitsy fo ankehitriny, atsangano ny tànanareo, manova hoe, “Kristy, tsy manangana ny tànako amin-dRahalahy Branham aho na amin’ny olona hafa afa-tsy Ianao, fa diso aho. Mamelà ahy. Rahalahy Branham no nampanantena fa hivavaka ho ahy, ankehitriny dia hanangana ny tànako aho, hanao hoe, ‘Jesosy, mamindrà fo amiko izao hariva izao. Vonjeo aho noho ny amin’i Kristy. Tsy te-ho very aho. Ity fiainana rehetra izay Nomenao ahy ity, dia ho zavatra iray mampahatahotra raha izaho—raha alefako fotsiny amin’izao izy, nefo aho manana an’ity fanararaotra volamena ity izao hariva izao mba hahita marina amin’ny masoko manokana fa mipiapiaka eny amin’ny lafiny rehetra ireo jiro mena; ilay Fihavian’ny Tompo, ilay teny fikasana fa Izy dia haneho an’ireo famantarana ireo, ary Izy dia hanasitrana ny marary, Izy dia hanangana ny maty, Izy dia handroaka devoly; hisy betsaka, ny an... olona vitsy fotsiny, havitsiana iray fotsiny izay hesoin’izao tontolo izao, sy hantsoiny amin’ny anaran-dratsy, sy ny sisa, tahaka an’izany.”

<sup>184</sup> Ary tsy maintsy hiantso antsika amin’ny anaran-dratsy izy ireo. Tsy maintsy hiantso ny Fahamarinana amin’ny anaran-dratsy izy ireo. Hoy Jesosy hoe, “Na iza na iza miteny teny iray manohitra ny Zanak’olona, dia havela izany, rehefa hanao an'ilay tena zavatra iray ihany izay hitanareo fa vita Izy.”

Hoy Izy hoe, “Fa na iza na iza hiteny hanohitra ny Fanahy Masina, rehefa tonga Izy ka hanao an’ilay zavatra iray ihany, dia tsy havela mihitsy amin’izao fiainana izao.” Hitanareo, tsy maintsy hanao an’izany izy ireo. Tsy maintsy hisy Hafatra iray tahaka an’izany, mba hanao ny olona haneso an’Izany, mba haneho ny fahamarinan’Andriamanitra hanameloka an’izao tontolo rehetra izao ka handrava azy.

<sup>185</sup> Raha mbola misy ny famindrampo sy olona iray mijoro eo amin’ilay elanelana, Jesosy Kristy, ary varavarana iray misokatra izao hariva izao, dia tsy handray Azy ve ianareo, ry sakaizako?

<sup>186</sup> Ankehitriny, mazàna, dia fanatonana eto amin’ny alitara izany. Tena tsara izany. Tsy manana na inona na inona manohitra an’izany aho. Saingy ny Soratra, Izany dia nanao hoe, “Izay rehetra nino dia natao batisa.” Avy ao amin’ny fonareo rehetra, raha mahafoy ny fiainanareo ho an’i Jesosy Kristy ianareo eo amin’izay ipetrahanareo eo mihitsy, eo amin’izay Nitenenany taminareo mihitsy rehefa nanangana ny tànanareo ianareo!

<sup>187</sup> Io Andriamanitra iray io ihany izay afaka niantso an’io lehilahy io hiverina amin’ny fiainana indray, rehefa nandry maty teo anatrehako mihitsy aninkeo maraina, mba hanamarina aminareo fa milaza aminareo ny Fahamarinana aho. Iza no afaka manangana ny maty afa-tsy Andriamanitra? Marina izany. Koa izany dia tsy ny—ny pasitera kelinareo montsamontsana eto, izany dia Kristy izay tia anareo. Ary maneho aminareo Izy izao hariva izao hoe, “Efa nandre ny Fahamarinana ianareo. Efa nahita ny Fahamarinana ianareo. Izany dia avy amin’ny Teniko. Efa hitanareo ny Teniko fa miantso indray. Hitanareo ny Teniko fa milaza mialoha an’ireo zavatra ireo. Hitanareo izany fa mitranga marina tokoa nandritr’ireo taona rehetra ireo, tsy nisy fahadisoana iray.”

<sup>188</sup> Ankehitriny inona no hataonareo amin’i Jesosy, raha mbola mipiapiaka ilay jiro mena? Nahoana ianareo no tsy manao an’izany, manary an’ilay fonosam-boanjon’izao tontolo izao! Nahoana no tsy arianareo ilay magazina trrainainy *True Story*, sy ilay trrainainy—fakofako trrainainy izay itarihanareo ny fanahinareo isan’andro! Nahoana no tsy akisakareo eny an-jorony io televiziona io ka tsy avadika izany, raha izany no mampanalavitra anareo amin’ny fiangonana! Nahoana ianareo no tsy manaisotra ny mitambesatra rehetra izay malaky mahazo anareo! Nahoana ianareo no tsy manandratra ny fonareo amin’i Kristy, ka manao hoe, “Kristy, vita ny amiko izao hariva izao. Miomana aho. Hitako fa ho avy Ianao. Mandray ny valiziko aho, ny Baibolin’Andriamanitra, izay misy ny Fiainana Mandrakizay, ka, manomboka izao, dia hiaina avy amin’Ity aho!” Tsy hanao an’izany ve ianareo, raha mivavaka isika?

<sup>189</sup> Rainay An-danitra, tsy hoe te-ho henjana, tsy akory, Tompo. Fa ny Hafatra no manondro an'ilay fotoana, tsy amin'ny isam-batan'olona, tsy amin'ny olona iray, fa manondro an'ilay fotoana izany. Izany dia fotoana iray toy ny hoe ny Fanahy Masina no manery ahy hanao horonam-peo an'izao. Satria taorian'ny fotoana maro, maro teto amin'ity polipitra ity, izay efa nanehoanay an'ireo andron'i Lota, ireo andron'i Sodoma, ireo andro izay notenenin'i Jesosy, ireo famantarana an'ilay fotoana, ny fihavian'ny Tompo, tamin'ny fomba maro. Ary avy eo taorian'izany rehetra izany dia niteny mafy tokoa aho nanohitra an'ireo vehivavin'ity andro ity ary nanerana ny firenena, noho izany, Ray, dia nieritreritra aho fa izany no ho Fanahy Masina niresaka tamiko mba hilazako amin'ny olona hoe nahoana aho no nanao an'izao. Izany dia satria ny Teninao voatsindrimandry no tena nitsofoka tao am-poko, hany ka tsy afaka nihazona ny fahanginana aho.

<sup>190</sup> Eo amin'ny tànana dimampolo na dimy amby fitopolo eo ho eo no nitsangana tato amin'ny tranobe, Ray, teo ambonin'ny Tenin'ny Tompo tsy vita tsara, tapatapaka. Saingy Izany no nitondra azy ireo teo amin'ny fanairana iray, mba hamela azy ireo hahafantatra fa mitsoka ilay kiririoka; manangona ny tenany miaraka ireo masina rehetra; potipotika ireo firenena; ireo famantarana ny Fihaviana; miapiapiaka ireo jiro mena. Ary hitanay, amin'ny alàlan'ny fihetsika, manondro izao hariva izao an'ireo vehivavinay an'izao andro izao, ka ilay fomba izay nilazan'ny Baiboly fa haha-izy azy ireo, dia eo izy ireo izao.

<sup>191</sup> Ilay Feon'i Jesosy Kristy tsy mety diso dia nampitandrina anay mba handinika an'ireo andron'i Noa ka hampitaha an'izany amin'ilay andro izay iainanay. Ary avy eo rehefa nahita an'ireo zavatra ireo nitranga izahay, ireo vehivavy lasa tsara tarehy, ary ireo zanakalahin'Andriamanitra naka azy ireo, sy hoe hanao ahoana ireo zavatra ireo, amin'izay fotoana izay dia fantatray fa ity taranaka ity no hahita ny Fihavian'ny Tompo. Noho izany, dia fantatray ilay jiro miapiapiaka, akaiky ny Fihaviany.

<sup>192</sup> Mivavaka aho, Ray An-danitra, mba Hitahianao ny tsirairay avy izay nanangana ny tànany. Izaho—izaho dia manolotra fotsiny an'ity vavaka manetry tena, tso-po ity, ary fantatroy fa hihaino ahy Ianao. Tena tsara fanahy tamin-dRahalahy Way Ianao aninkeo maraina, namela vavaka manetry tena iray nanomboka nampitempo indray an'ilay fo, fitiavana tso-po ho an'ny rahalahy iray izay lavo teo amin'ny lohaliky ny vadiny, vatana mangatsiaka sy maty. Tompo, aoka ny olona hahafantatra fa ny maty ao amin'ny ota sy heloka dia mbola loza lavitra noho ny maty amin'ny fahafatesana ara-batana iray; satria tsy misy olona iray afaka hihazona anareo amin'izany fotoana izany, raha mandalo any ambadik'ilay voaly ianareo, ao amin'ny ota sy heloka.

Ekeo izao hariva izao, Tompo, mba, ny fanahy rehetra izay nanangana ny tānany; manolotra an'ity vavaka ity amin'ny Anaran'ny Tompo Jesosy aho; mba hisy fiovana tanteraka iray anie ho tonga eo amin'ny fiainan'izy ireo, mba hisy tanjona tanteraka iray anie ao am-pon'izy ireo, ilay tanjona ao am-pony mba tsy hanotany intsony indray amin'Andriamanitra; ka hijoro izy ireo, manomboka amin'ity ora ity, eo amin'ny Tenin'Andriamanitra Mandrakizay, voatahy sy hovokisan'ny Fanahiny Masina, ary ho voatarika ao amin'ireo lālan'ny Fiainana, isan'andro isan'andro, raha mandeha izy ireo manomboka amin'ity ora ity, manomboka izao.

<sup>193</sup> Ankehitriny, Ray An-danitra, mety tsy hahita azy ireo intsony aho, mety tsy ho afaka handray ny tānan'izy ireo arabatana intsony aho eto amin'ity tany eto ity, na dia ho tiako aza ny hanao an'izany. Fa, Tompo Andriamanitra, mivavaka aho mba ho voavalý ity vavaka ity. Ary Ianao no nilaza ao amin'ny Teninao hoe, "Izay hihaino ny Teniko, ka hino Izay naniraka Ahy, no manana ny Fiainana Mandrakizay; ka tsy ho tonga eo amin'ny Fitsarana, fa efa nifindra niala tamin'ny fahafatesana ho amin'ny Fiainana." Tamin'ny fombako manetry tena nitondrana ny Fahamarinan'Andriamanitra, izao hariva izao, dia maro no nandre ny Teny. Ankehitriny, Ianao no nampanantena fa hamonjy azy ireo Ianao, ary izy ireo dia "tsy ho levona," ka, tsy misy olona afaka handrombaka azy ireo avy eny an-Tananao, fa Ianao no hanangana azy ireo amin'ny andro farany, tsy hisy na volo iray eo amin'ny lohan'izy ireo aza ho levona. Ianao no nampanantena an'izany.

<sup>194</sup> Ankehitriny, amin'ny maha-vavaka iray, amin'ny maha-mpanompo iray, Tompo, ary amin'ny maha-rahalahy iray ho—ho azy ireo, izaho—izaho dia mivavaka an'ity vavaka ity ka mametraka azy ireo eo an-tānan'Andriamanitra, mba tsy hisy ratra iray afaka hanatona azy ireo mihitsy, ary tsy handrombaka azy ireo avy eny an-tānan'Andriamanitra i Satana. Anao izy ireo, amboara. Ary mahatoky aho fa Ianao no hanome azy ireo fiainana lava, ary raha azo atao, dia avelao izy ireo hahita ny Fihavian'ny Tompo Jesosy. Enga anie izy ireo hiala eto izao hariva izao, ka ho mpitaona fanahy, hiteny amin'ireo hafa, hitondra azy ireo eo amin'ny fahalalana an'i Kristy mahavonjy. Ekeo izany. Eo an-Tananao izany rehetra izany, Ray. Amin'ny Anaran'i Jesosy Kristy.

<sup>195</sup> Ary raha mbola manana ny lohantsika miondrika fotoana fohy fotsiny isika. Manontany aho raha manatrika ankehitriny ny olona tahaka an'izany, izay mahatsapa fa raha tao anatin'ny vavaka isika hoe—hoe nisy zavatra iray tsy mahazatra nitranga tao am-ponareo, ka tsapanareo fa manomboka izao dia handeha hiaina amin'ny fiainana iray voatokana ho an'i Kristy ianareo, ary hitanareo fa antomotra ny Fihavian'ny Tompo, mino ianareo fa izay notoriako dia ny Fahamarinana, mikasika an'io jiro

mena mipiapiaka io, ny amin'ny fisehon'ireo zavatra. Ary—ary ianareo dia mahazo fa izany no Tenin'ny Tompo, satria Kristy izany, ary mino ianareo, fa manomboka izao, dia hiaina fiainana iray tsaratsara kokoa, akaiky kokoa an'i Kristy ianareo, noho ny vavaka izay nivavahanareo izao hariva izao sy ny fiaikena izay nataonareo. Ary miaraka amin'ny lohanareo miondrika, dia atsangano fotsiny ny tànanareo, manaova hoe, “Mino an’izany aho. Manomboka amin’ity hariva ity, dia hiaina fiainana iray hafa aho.” Andriamanitra hitahy anareo. Tsara izany. Tena mahafinaritra izany. Mino aho amin’ny filazana fa saiky ny olona rehetra, angamba, izay nanangana ny tànany vao teo, no nanangana ny tànany indray fa hoe efa nanaiky an’izany izy ireo.

<sup>196</sup> Ankehitriny raha mbola tsy vita batisa tamin’ny Anaran’i Jesosy Kristy mihitsy ianareo ho famelàna ny otanareo, tsarovy, “Tsy misy anarana hafa eto ambanin’ny Lanitra izay nomena ny olona izay hahavonjy anareo, afa-tsy ny Anaran’i Jesosy Kristy.” Tsarovy, Ampakarina iray ihany no misy, ny Ampakarina’i Kristy, ary izany no mitondra ny Anarany.

<sup>197</sup> Ankehitriny, ary raha tsy mbola vita batisa tamin’ny fanitrihana ao anaty rano mihitsy ianareo, tamin’ny Anaran’i Jesosy Kristy, dia mamelà ahy amin’ny maha-Mpanompony. . . Raha efa nopofoin’Andriamanitra taminareo tamin’ny alàlan’ireo famantarana sy fahagagana, ary tamin’ny alàlan’ny Teniny, fa milaza aminareo ny Fahamarinana aho; dia mandidy anareo aho tahaka ny nataon’i Masindahy Paoly, ao amin’ny Asa 19, izay nahita andiana Batista iray. Efa natao batisa tamin’i Jaona Mpanao-batisa izy ireo. Hoy izy hoe, “Efa noraisinareo ve ny Fanahy Masina fony vao nino ianareo?”

Hoy izy ireo hoe, “Fantatray . . . na misy ny Fanahy Masina iray.”

Hoy izy hoe, “Tamin’ny inona àry no nanaovana batisa anareo?”

Hoy izy ireo hoe, “Efa natao batisa izahay, tamin’i Jaona Mpanao-batisa, tao Jordana, ilay lehilahy iray ihany izay nanao batisa an'i Jesosy Kristy.”

<sup>198</sup> Ho fanaovana batisa iray mahafinaritra izany, saingy hoy i Paoly hoe, “Tsy tsara izany ankehitriny.” Nandidy azy ireo izy hoe tsy maintsavy averina hatao batisa indray izy ireo, tamin’ny Anaran’i Jesosy Kristy, Asa 19:5.

Ary hoy i Paoly hoe, “Raha misy Anjely iray midina avy any An-danitra ka mitory filazantsara hafa noho Ity efa notoriako ity, dia aoka izy ho voaozona,” Galatiana 1:8. Noho izany dia naveriny indray izany, nanao hoe, “Arak’izay efa nolazaiko, dia lazaiko indray izany. ‘Na dia Anjely iray aza,’” avelao ny mpitoriteny iray, eveka, papa, na mety ho inona na inona izy, “raha misy Anjely iray midina avy any An-danitra, ny—ny

Kerobima iray avy any An-danitra, ka mitory filazantsara hafa noho Ity, dia aoka izy ho voaozona.”

Noho izany, dia mandidily anareo aho, raha tsy mbola vita batisa tamin’ny Anaran’i Jesosy Kristy mihitsy ianareo, raha mbola ao anatin’ny dobo ny rano, ka miandry ireo akanjo, dia tongava ary aoka hatao batisa, “Miantso ny Anaran’ny Tompo, ary ianareo handray ny fanomezan’ny Fanahy Masina; fa ny teny fikasana dia ho anareo sy ho an’ny zanakareo, ary ho an’ireo izay lavitra, arak’izay hantsoin’ny Tompo Andriamanintsika.”

<sup>199</sup> Rainay An-danitra, miankina Aminao izany ankehitriny. Mandresy lahatra ny olona, no ezahako; fa ny manery ny olona, tsy vitako. Ary tsy niasa nanohitra ny sitrapon’ny olona mihitsy Ianao; satria, raha ny lehilahy na vehivavy iray no voafidy mialoha ho amin’ny Fiainana Mandrakizay, rehefa nanelatratra teo amin’ilay voa ny Hazavan’Andriamanitra, dia ho tonga eo amin’ny Fiainana izany. Ary raha misy Fiainana eo anivonay izao hariva izao, Ray, ka Ianao no nampanjelatra ny Hazavanoao, ary efa hitan’izy ireo ny Fahamarinana, dia enga anie izy ireo handeha am-panetre-tena sy am-pahamoram-panahy eo amin’ilay dobo, mba hatao batisa amin’ny Anaran’ny Zanakao malalanao, Jesosy Kristy.

<sup>200</sup> Fa, fantatray fa ny olona rehetra ao amin’ny Soratra dia tsy maintsy natao batisa, sy naverina natao batisa. Ireo izay tsy vita batisa tamin’ny Anaran’i Jesosy Kristy, dia tsy maintsy naverina natao batisa. Ary ilay apostoly lehibe, izay nanana ny fanalahidin’ny Fanjakana, no nilaza tamin’ny Andron’ny Pentekosta hoe, “Mibebaha, ny tsirairay avy aminareo, ary aoka hatao batisa amin’ny Anaran’i Jesosy Kristy ho an’ny famelana ny otanareo, mba ho voavela ny otanareo, ary amin’izay fotoana izay ny teny fikasan’ny Fanahy Masina dia ho anareo.” Ekeo mba ho tanteraka izany izao hariva izao, amin’ny fahafenoany tanteraka, Ray.

<sup>201</sup> Apetrako Aminao izy ireo ankehitriny. “Raiso ireo teny vitsy sy ny fisaintsainan’ny foko, ary enga anie ho ekena eo Imasonao izany, O Tompo.” Ary miantsôna eo amin’ireo Zanakao, ka omeo azy ireo ny Fiainana Mandrakizay. Vonjeo ireo rehetra izay azo vonjena, ary sitrano ireo izay marary. Enga anie ny fahasoavan’Andriamanitra hitoetra eo amin’ny tsirairay avy amin’izy ireo, raha mametraka azy ireo eo Aminao izahay ankehitriny, amin’ny Anaran’i Jesosy.

<sup>202</sup> Ankehitriny miaraka amin’ny lohantsika miondrika, dia hangataka ny anabavintsika izay mitendry ny piano aho ho tonga eto. Fotoana fohy fotsiny, eo amin’ny dimy minitira mahery eo. Ary raha misy anankiray izay maniry ny hatao batisa ankehitriny, izay nahavita fiaikena ka mino. Raha mino ianareo fa Jesosy Kristy no Zanak’Andriamanitra, ka mino an’izany amin’ny fonareo rehetra ianareo, tsy hoe fotsiny—fientanam-

po fotsiny, fa mino an'izany ianareo, ary vonona ny hiaiky fa diso ianareo; ary tsy miankina amin'ny fahamendrehanareo manokana ianareo, fa eo amin'izay Nataony; ary vonona ny handroso ianareo, mba handray ny Anarany ao amin'ny batisan'ny rano, ho lasa mambra iray an'ilay Vatana amin'ny alàlan'ny Fanahy Masina; noho izany, ny efitry ny vehivavy dia ato amin'ny ankavanako, ary ny efitry ny lehilahy dia ato amin'ny ankaviako, miaraka amin'ireo akanjo sy ny sisa efa vonona.

<sup>203</sup> Raha mbola manondrika ny lohantsika isika, ny anabavintsika mitendry ny, "Reko ny Mpamonjiko miantso," raha hanome antsika ny naoty kelin'izany ny mpitarika hira. Miaraka amin'ny lohantsika miondrika ankehitriny, eo antan'an'Andriamanitra Tsitoha ny fotoana ankehitriny; ho an'izay maniry ny hatao batisa; maniry ny hiditra ao amin'ny efitra fivavahana mba hivavaka ho an'ny batisan'ny Fanahy Masina, dia misy ireo manome toromarika eto izay ho vonona ny hanome toromarika na hanao ny zavatra rehetra. Enga anie ireo Teny tsy hilatsaka tsy nisy vokany, fa enga anie izy ireo hanatanteraka an'izay natao ho kendreny. Miaraka amin'ny lohantsika miondrika, dia afaka mivavaka isika ankehitriny. Ary, ary na aiza Itarihany anareo, dia araho.

Reko ny . . .

Ankehitriny mivavaha, ny Kristiana rehetra.

Reko ny Mpamonjiko . . .

Afaka mandre Azy miantso ve ianareo, rehefa nanangana an'ilay lehilahy maty Izy aninkeo maraina?

Reko . . .

Afaka mandre Azy miantso ve ianareo, rehefa tao amin'ny Teny Izzy, manapiapiaka an'ireo Jirony amin'ny andro farany?

Handeha hiaraka Aminy aho, hiaraka Aminy . . .

Sitrakareo ve ny handeha hatramin'ny farany?

Na aiza Izzy . . .

Andriamanitra hitahy anao, rahalahiko. Ireo lehilahy ato amin'ny ankavia. Ireo vehivavy ato amin'ny ankavanana. Izaho . . .

Na aiza Itarihany ahy dia hanaraka aho,  
Na aiza Itarihany . . .

Hoy ny Baiboly hoe, "Izay rehetra nino dia natao batisa."

. . . hanaraka,

Handeha hiaraka Aminy aho, hiaraka Aminy  
hatramin'ny farany.

Handeha hiaraka Aminy aho ao amin'ilay saha,  
Handeha hiaraka Aminy aho ao amin'ilay saha,

Ny Fanahy Masina . . . ? . . .

Handeha hiaraka Aminy aho ao amin'ilay . . .

Raha misy olona iray hiaraka amin'ireo vehivavy eto, mba hitady ny Fanahy Masina, dia midira ao amin'ny efitra amin'ny ankavanana, ny sasany aminareo anabavy izay nomena toromarika tao amin'ny Tompo.

. . . hatramin'ny farany.

Na aiza Itarihany . . .

Afaka miteny amin-kitsim-po ve ianareo hoe, "Na aiza Itarihany ahy dia hanaraka aho"? Hanao an'izany ve ianareo? Na aiza iresahan'io Feo kely io aminareo, ianareo ve—ianareo ve handeha na aiza Itarihany anareo? Diniho ilay jiro mena. Hitinanareo ve ilay jiro mipiapiaka? Eo amin'ny andro farany isika izao.

Na aiza Itarihany ahy dia hanaraka aho,  
Handeha hiaraka Aminy aho, hiaraka Aminy  
hatramin'ny farany.

Reko ny Mpamonjiko . . .

Ahoana no Itenenany? Amin'ny alàlan'ny Teniny, ao amponareo. Ho avy ve ianareo ankehitriny? Izao no fanasanareo. Tsarovy, raha mitranga alohan'ny ahatongavantsika miaraka indray izany, dia efa nampitandremana ianareo.

. . . reko ny Mpamonjiko miantso,  
"Ento ny hazo fijalianao, ka manaraha, manaraha  
Ahy."

Na aiza Izy . . .

Ankehitriny aoka ny sasany amin'ireo rahalahy, ho an'ireo toromarika, hiditra eto amin'ny efitra ato amin'ny ankavanako, miaraka amin'ireo rahalahy vonona ho an'ny batisa. "Na aiza Itarihany . . ." Ny sasany amin'ireo rahalahy mpitoriteny eto, avia dia ampio izahay, midira ao amin'ilay efitra miaraka amin'izy ireo.

. . . hanaraka,  
Na aiza Itarihany ahy . . .

Izany tokoa ve no tianareo ho lazaina?

. . . hanaraka,  
Handeha hiaraka Aminy aho, hiaraka Aminy  
hatramin'ny farany.

<sup>204</sup> Ankehitriny, fotoana fohy fotsiny. Ankehitriny, raha mbola tsy vita batisa tao anaty rano ianareo, tamin'ny alàlan'ny fanitrihana tamin'ny Anaran'i Jesosy Kristy Tompo. Ireo titra kely fotsiny ihany, "Ray, Zanaka, Fanahy Masina," tsy nisy na dia olona iray aza ao amin'ny Baiboly rehetra, tsy nisy olona anankiray, mba natao batisa ao amin'ny Baiboly, tamin'ny Anaran'ny "Ray, Zanaka, sy Fanahy Masina," tamin'izany titra

izany. Tsy nisy olona mba natao batisa tao amin'ny fiangonana, tao amin'ny tantara, nandritr'ireo telonjato taona voalohany tamin'io lafiny io, ny tsirairay avy dia natao batisa tamin'ny Anaran'i Jesosy Kristy Tompo, hatreо amin'ny Fiombonamben'i Nise tao Nise, Roma, izay nandrafetana ny fiangonana Katolika Romana, tamin'izay fotoana izay izy ireo no nanolo an'ilay titra ho "Ray, Zanaka, Fanahy Masina."

<sup>205</sup> Raha misy mpahay tantara iray, mpitoriteny iray, na olon-kafa iray, eo amin'ny onjam-peo, ao amin'ny horonam-peo, izay afaka mampiseho Soratra anankiray na pentin-tantara anankiray, izay nisy olona iray mba natao batisa tamin'ny fomba hafa afa-tsy tamin'ny Anaran'i Jesosy Kristy, talohan'ny fiangonana Katolika Romana tao Nise, Roma, dia voatery ianareo hitondra an'izany eto amiko, hanao ahy hifona. Tsy misy ny zavatra tahaka an'izany Tsia. Ary ny olona rehetra izay vita batisa tamin'ny alalan'ny fanitrihana, ka tsy vita batisa tamin'ny Anaran'i Jesosy Kristy, dia nodidiana, talohan'ny nahafahan'izy ireo nuditra tao amin'ny Voninahitra, mba hiverina ka averina atao batisa indray. Ankehitriny dia miankina aminareo izany.

<sup>206</sup> Tsy misy Soratra ao amin'ny Baiboly, izay nisy olona mba natao batisa, ka nampiasa ny anaran'ny "Ray, Zanaka, ary Fanahy Masina," tahaka ny hanaovan'ny olona batisa amin'izao andro izao. Izany dia fanekek-pinoana Katolika iray, Katolika Romana izay nolovaina avy tamin'i Martin Luther, sy John Wesley, nanohy nihazona. Ary ny Baiboly no milaza mialoha fa ho toy izany ilay izy, ka hitohy hatrany amin'ny andro farany, ary hisokatra ilay varavarana, araka ny vao avy nandinihantsika an'ireo taonan'ny fiangonana mba hahitana an'izany.

<sup>207</sup> Miankina aminareo izany. Iraka iray an'ilay Hafatra fotsiny aho. Indray mandeha indray, ndao isika hino an'izany. Misokatra ireo varavarana. Feno ilay batistera, ary tsy misy antony . . . Misy akanjo vonona ao, ary ho vonona izahay ny hanao batisa ao anatin'ny minitra vitsy manaraka.

<sup>208</sup> Raha eto ianareo ka tsy mbola vita batisa, ndao isika mbola hihira indray mandeha, dia tongava, sa tsy izany? Manatanteraka . . .

<sup>209</sup> Hoy ianareo hoe, "Mihevitra ny hanao an'izany aho indray andro, Rahalahy Branham." Io indray andro io dia mety hifanena aminareo tahaka ny nifanenany tamin-dRahalahy Way aninkeo maraina, saingy angamba tsy fahasoavana no hanaraka, tahaka ny nataony. Mety ho lasa amin'ny minitra rehetra ianareo. Na tanora ianareo, raha velona hatramin'ny rahalina, ianareo dia . . . Ary raha fitopolo taona ianareo, hahari-miaina noho ireo olona maro folo taona, sy dimy ambin'ny folo-, telopolo taona ianareo. An'arivony amin'izy ireny no ho faty mandritry ny alina. Marina izany. Tsy fantatrareo hoe rahoviana ianareo no handeha.

<sup>210</sup> Aoka hahazo antoka. Aza mitsapatsapa an'izany. Tsarovy fotsiny, afaka mitsapatsapa amin'ny asanareo ianareo, na afaka mitsapatsapa an'ity, fa aza mitsapatsapa an'izany. Tsarovy, ny feoko no ho vavolombelona iray eo amin'ny fandraisam-peon'Andriamanitra amin'ny Andron'ny Fitsarana, nanohitra an'izany.

<sup>211</sup> Koa eritrereto izany ankehitriny, raha mihira indray isika miaraka amin'ny lohantsika miondrika. “Na aiza Izy...” Rahalahy Neville. “...hanaraka aho.” 

*ILAY JIRO MENA MIPIAPIAKAN'NY*  
*FAMANTARANA NY FIHAVIANY MAG63-0623E*  
(The Flashing Red Light Of The Sign Of His Coming)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 23 Jona, 1963, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)